

KUVUSA JESU

 Sanibonani kusihlwa. Njengoba kuhlala njalo, kuyinhlanhla kuba sendlini yeNkhosi.

² Ngimangele kanjani kubona lomfana lapha lovela e-Arkansas, umngani wami. Sikhatsi lesidze, ngikholwa kutsi nangigcina kukubona wawusenla eCalifornia, bekungesiko na? Hhe, hhe! Nisasolo niseCalifornia? Lapha? Hhe! Ngicabanga kutsi ngitodzingeka ngiphume. Yonkhe imphumalanga itokuya enshonalanga.

³ Futsi, yebo-ke, wonkhe umuntfu uyajabula? [Libandla litsi, “Amen.”—Umhl.] Kunjalo.

⁴ Yebo-ke, ngicabanga kutsi loku kutsi akube yinkonzo yetfu yesitfupha manje. Sifanele sichubekele evikini lelitako, futsi-futsi senyuke kute kube nguMsombuluko lotako ebusuku. Manje, ningakhohlwa ngeMsombuluko ebusuku eTucson, lidzili, futsi silindzele sikhatsi lesihle kakhulu entasi lapho kulobusuku lobutako bange Msombuluko.

⁵ Bengikhuluma neMnaketfu Williams neMnaketfu Rose, namuhla. Futsi ngako ngatsi, “Uyati, ngitocala kukhulekela labagulako.” Ngatsi, “Ngibagcina labobantfu tatane lapho njalo ebusuku kuze kube cishe ngensimbi yelishumi noma yelishumi nakunye nco.” Ngatsi, “Ngitiva nginemahloni impela ngami, ngekukwenta kanjalo.” Futsi ngiyacolisa ngekunihlalisa sikhatsi lesidze kangaka, kodvwa angikutfoli kunibona kanengi kakhulu.

⁶ Futsi angikwati kwenta loko kube kutivikela, ngoba ngenta lokubi kakhulu kunaloko ekhaya. Niyabona na? Ngaletinye tikhatsi sicale ekuseni, kusenesikhatsi, futsi ngishumayele kuze kube ngaleyontsambama nangalesinye sikhatsi, noma nje kunimi uma sesilungela kuya ekhaya. Futsi sivele sihlale lapho nje, kanjalo, ngebukhulu nje ngako konkhe lesingakwenta, ngako nje sibe nesikhatsi lesimnandzi.

⁷ Kummandzi kuba lapha, Mnaketfu Groomer. Lapho... [Lomyune umfo ukhuluma neMnaketfu Branham—Umhl.] Ya. Ya. Kutsite kubhaciswa kimi. Bekungesiko... Bengilapha emnyakeni lophelile ngesikhatsi sifika, besingesiso na? [“Yebo.”] Ngicabange kanjalo. Khumbulani lendzawo nelibandla. Ngiyajabula kakhulu kuba lapha kusihlwa! Nkulunkulu anibusise nonkhe.

⁸ Futsi manje silindzele iNkhosi kutsi—kutsi—kutsi iphilise labagulako kusihlwa. Sitsi kuntjintja luhlelo kancane, futsi ngingena eMlayetweni, wekushumayela liVangeli, noma lengitama kukucabanga, ngako impela konkhe kwati

kwami. Bese-ke ngi—ngiyacala, angati nje kutsi ngime nini. Ngibesolo ngichubeka ngihamba, futsi nginihlala sikhatsi lesidze kakhulu. Khona-ke, ngicabange kutsi bekungaba sikhatsi lesihle kusihlwa, emvakwebusuku lobunengi kakhulu bekushumayela, kutama nje manje nekukhulekela labagulako. Ngako namuhla sitsite kukulungiselela futsi salindza eNkhosini. Futsi ngicala kucaphela itolo ebusuku, indlela. Ufanele utsi kuhamba ngendlela Lakuholela kutsi uhambe ngayo, uyati. U—uva intfo letsite ikuchuba, futsi imibono lecondzile iyobhoboka, futsi uyati kutsi kuyintfo lefika edvute ke.

⁹ Khona-ke, namuhla bengiphuma, futsi, e...Bengise... ehhotela lami lalabahamba ngetimoto, naMoya loyiNgewe watsi hamba ngendlela letsite. Futsi bekunelichibi lekubhukusha ngephandle lapho. Ngacabanga kutsi mhlawumbe lomunye umntfwana lomncane angahle kube umitile. Ngewela lapho, kwenteka ngabuka ngale, futsi ngabona labanye bantfu. Bahleti lapha ngaphambili kusihlwa. Bayati kutsi leyo bekuyiNkhosi kanjani Lefike lapho, futsi loko nje Lekushito nguyonantfo impela nje. Ngako ngatile-ke kutsi besekusikhatsi sekucala kukhulekela labagulako.

¹⁰ Futsi manje sitosondzela kuYe manje, ngemkhuleko, ngaphambi kwekutsi sisondzele eVini laKhe. Futsi nitetsameli letikahle impela. Nibe nekulalela kakhulu busuku ngabunye. Ngiyati labanye benu bafanele basukume futsi bahambe ngalesinye sikhatsi, ngaphambilini. Ngiyati kutsi loko akusiko ngoba nje ufuna kuphuma. Nifanele nibambe emabhasi. Nifanele niye emsebentini. Ngi—ngiyakucondza loko.

Futsi manje asikhotsamise tinhloko tefu umzuzwana nje manje sentele umkhuleko.

¹¹ Manje, ngiyacaphela kukhona nje cishe labanengi labeme emuva lapho njengoba bahleti ngephandle lapha. Futsi sifuna...Siyati kutsi Nkulunkulu utophendvula ticelo tabo ngalokufanako nje njengoba Enta noma kuphi. Manje ngabe unaso sicelo na? Akwateke ngesandla lesiphakanyisiwe. Nkulunkulu utokuva.

¹² Babe wetfu loseZulwini, manje sita eBukhoneni baJesu, e—eGameni laKhe. Futsi siya esihlalweni sebukhosи semusa, kucela kucolelwa kwetono tefu, ngoba, ngekwati, lusuku nelusuku siyehluleka kuWe. Lonkhe li-awa lekuphila kwetfu, akwenteki nje lendlule ngaphandle kwekutsi sime, sitsi, “Nkhosi, ngitsetselele. Be—bengingakacondzi kukwenta ngaleyondlela nje. Bengifanele ngikwente loku—loku ngalelenye indlela.” Khona-ke, siyati, Nkhosi, kutsi Uhlala njalo ugcwele sihawu futsi ulungele kutsetselela bantfwana baKho. Ulalela kukhala kwabo lokuphansi kunako konkhe. Sitfokota kakhulu kutsi sineMmeli.

¹³ Futsi siyakhuleka, Babe, kusihlwa, ngalelibandla, ngemnaketfu lotsandzekako. Yonkhe leminyaka khona lapha, ngimati, futsi ngimtfolo, similo sakhe, inceku lesimangaliso yaKhristu. SiKubonga kanjani pho ngemuntfu lonjalo! Ngi... Kuyinhlanhla lenkhulu, Nkhosi, kuba semkhatsini wakhe nebantfu bakhe, nekutihlanganisa nabo, futsi sihlangana ndzawonye kutsi sihlanganye nabo, eVini laNkulunkulu. Siyakhuleka, Nkhosi, kutsi Utongena kuleligagasi leliphakeme, kusihlwa, futsi uto—futsi utoniketa letibusiso leti. Ngijabula kakhulu kuhlangana nebangani labadzala lengangibati eminyakeni leyendlula ekucaleni kwenkonzo.

¹⁴ Futsi manje, Nkhosi, sikhuleka kanyekanye kutsi Utosibusisa njengoba sibutsene tsine ndzawonye kusihlwa etindzaweni taseZulwini kuKhristu Jesu. Sibutsene ngaleyonhoso, Nkhosi, futsi sikhulekela kutsi—kutsi Utohlangabetana netidzingo tetfu kusihlwa, futsi uphendvule ticelo tetfu kuWe, kophilisa labagulako, usindzise labalahlekile, futsi ukhutsate labo labaphele emandla. Sicela eGameni laJesu Khristu. Amen.

¹⁵ Manje, sifuna nine, lenifunako, lenifisako, kusihlwa, kutsi nivule eVini lelidzala lelibusisiwe, encwadzini yeliVangeli laMatewu loNgcwele, sahluko 8. Futsi sifuna kucala kufundza e...Sihleti namuhla, kuMatewu, sahluko 8, sicale ngelivesi lema 23.

¹⁶ Emvakwekusuka namuhla, kusuka kuMnaketfu...noma uMnaketfu Williams neMnaketfu Jewel Rose besuka lapho besikhona, Ngi...umcondvo wami wehlela etikwemcimbi. Futsi ngako ngivele ngafinyelela ngale...Ngoba, besikadze sikhulumnaMoya loyiNgcwele besadvonse cishe impela edvute natsi. Ngako lapho nje besuka baphuma, ngacabanga, "O, hhe! Manje Utokhuluma impela." Ngase ngibamba lokutsite emcondvwensi wami masinyane eBhayibhelini ngalokwentekile, masinyane ngivula kulo. Futsi nginemibhalo lemincane kutsi ngihambe nayo, futsi ngidvonse kuyo sihloko, ngibhale phansi emanotsi lambalwa ngako. Ngitotsanza kwendlulisela lawa kini.

¹⁷ Kucala, asifundze manje kuMatewu loNgcwele, sahluko se 8, futsi sicale ngelivesi lema 23.

Futsi nasangenile emkhunjini, bafundzi bakhe bamlandzela.

Futsi, bukani, nako kuvuka siphepho lesikhulu elwandle, ngangekutsi umkhumbi wase umbonywe nge...magagasi: kodvwa yena bekalele.

Nebafundzi bakhe befika kuye, bamvusa, batsi, Nkhosi, sisindzise: siyahhubha.

*Wase utsi kubo, Kungani nesaba, O nine belukholo
loluncane? Wase uyavuka, futsi wekhuta lomoya
nelwandle; futsi kwabakhona kuthula lokukhulu.*

*Kodvwa lamadvodza amangala, atsi, Hloboluni
lwemuntfu lolu, kutsi ngisho nemoya nelwandle
kuyamlalela yena!*

¹⁸ Leso sifundvo lesincane impela lesigcamile, noma umBhalo. Ngitotsatsa sihloko lesiyincaba kuko: *Kuvusa Jesu. Kuvusa Jesu.*

¹⁹ Kufanele kutsi kwakukadze ku—kulusuku lolumatima kuYe. Bekakhatsese. Umtimba wakhe wawukhandlekile. Niyati, lapho Asahamba, bantfu badvonsa Nkulunkulu kuYe. Badvonsa tifiso tabo kuYe. Futsi ngesikhatsi benta... Singeke setame kungena ekujuleni kuchaza loko, ngoba akekho longawkwenta. Singatichaza kanjani tintfo lesingatati?

²⁰ Kungalesosizatfu kungekho ndlela, nhlobo, kutsi uke usindziswe uze ulungele kwemukela loko longakhoni kukuchaza. Niyabona na? Ufanele ukholwe. “Loyo lota kuNkulunkulu kumele akholwe kutsi Unguye.” Manje, akukho ndlela yesayensi yekufakazela loko, kodvwa ufanele ukukholwe nomakunjalo. Futsi uma bewungakufakazela, khona-ke bekungeke kusaba sento sekukholwa. Futsi kukholwa... Nkulunkulu utifihle kakhulu Yena uze ukholwe kutsi Unguye, ngaphandle kwekuMbona, wati kutsi Ulapho, nomakunjalo. Noma ngabe uyakubona, noma cha, uyakukholwa. Impela uyakukholwa, nomakunjalo.

²¹ Manje, ngicabanga kutsi loko kuhle kakhulu, naloko kuniketa bantfu labangakafundzi njengami litfuba, wonkh’umuntfu, kukukholwa, ngoba siyakuva. “Nekukholwa kuta ngekuva, nekuva Livi laNkulunkulu.” Khona-ke siyakwemukela Loko, futsi sikholtse Loko. Futsi etikwetisekelo tekukholwa kwetfu kuLoko, sisindzisiwe, saphiliswa. Futsi nomayini lokunye lesikudvonsako kuNkulunkulu, kuvela eMtfonjeni longabonakali.

²² EmaKhristu; tonkhe tikhali tebuKhristu kukholwa. Yonkhe intfo lesinayo ayibonwa. Tintfo letikuphela letingito ayibonwa, ayichazeki. Letintfo letingachazeka atisito. Titintfo tekwentiwa futsi tiyafa. Kodvwa tintfo letingeke tichazwe atifi, lonkhe lizinga. Bukan tikhali tebuKhristu. Lutsandvo, nguyiphi incenye yenu lelutsandvo? Lutsandvo, kujabula, kukholwa, kukhutsatela, bumnene, kubeketela. Niyabona na? Kute kuletintfo, ungeke utibone. Atibonwa, kepha noko siyatikhholwa. Lutsandvo alufi. Kukholwa ku—kuncoba. Sikholwa tintfo lesingatiboni.

²³ Manje, kuJesu bekunguNkulunkulu. “Nkulunkulu bekakuKhristu, enta kutsi live libuyisane naYe” Nalabantu laba bebabukholwa bufakazi baKhe. Nalabo lababukholwa ngekwelisiniso, bebakhona kudvonsa sibusiso saNkulunkulu

kuYe. Futsi ngesikhatsi benta njalo, Watsi, “Emandla aphumile kuYe.” *Emandla* ku “cina.” U... Ngalamanye emagama, kube besingakusho namuhla: Waphela emandla ngesikhatsi bantfu badvonsa kuYe. Yebo-ke, uma kwasebenta ngaleyondlela kulowomtimba wemuntfu, kuyosebenta nakulomunye umtimba wemuntfu.

²⁴ Futsi sidala simo setfu sendzawo lesikuyo, ngamunye wetfu. Nike naba nebantu lebebabantfu labakahle, kodvwa ningakhoni nje kubasedyute nabo. Futsi-ke nike naba nalabanye bantfu lotsandzako nje kuba dvute nabo. Nguwe lodala lesosimo. Futsi, o, beningeke nitsandze yini kuba ngakuJesu kancanyana nje? Kuyamangalisa! Niyabona kutsi lesosimo lesitsite Lasidala besiyoba yini, Kwangatsi ngiyabona kutsi bekuyinyandza yinye lenkhulukati yelutsandvo, netinhloniph, nekwesaba kwebunkulunkulu. Manje, benghlala ngiva bantfu batsi...

²⁵ Labanengi benu, ngiyacabanga, sewuyidlalile letheyiphu yallowombono wekugcina etulu lapho, kungani ngikhona khona lapha e-Arizona manje. Futsi loko beku... O, hhe! Uma uyitfolia, itsi, *Sikhatsi Sini, Mnumzane?* Futsi uma uyitfolia, uyoke utsenge itheyiphu kitsi, tfola leyo. Manje, awasiwo ami. Awalenye inkapane lekanye natsi, netheyiphu, futsi awasiwo ami. Ngako, kodvwa, ngiyati lomfana unawo.

²⁶ Futsi angikaze ngibe nanoma yini lenjalo kutsi yenteke. Labanye babo batsi, “Uma useBukhoneni baNkulunkulu, awuMceli ngani *loku noma lokwa?*” Kwe—kwehlukile kunaloko lo... Niyabona, loko bantfu labanengi labakubita ngemandla aNkulunkulu, tibusiso kuphela taNkulunkulu. Emandla aNkulunkulu ehluke ngako konkhe etibusisweni taNkulunkulu. Emandla aNkulunkulu, eBukhoneni baKhe, awati nje kutsi ufanele wenteni. Uvele nje... U—ukakhulu... Wesaba kakhulu kangangekutsi uze ube ndzimundzimu, wonkhe.

²⁷ Kunetinsuku letimbili, ngisho nasemhlane wami nangemuva kwenhloko yami, nasetulu-naphansi emtimbeni wami, bengingeva lutfo, nhlobo. Futsi ubendzimundzimu kakhulu nje ngalokuphelele, ngekwesaba lokunjalo, ngesikhatsi lelochungechunge letiNgelosi lime khona lapha, manje, ngavele ngema, ngiTibuka njengoba nginjalo manje.

²⁸ Futsi uma ucabanga kutsi loko kungaba kutsi, “O, yebo-ke”? Cha. Uma empeleni sewulapho futsi ukubona, kwehlukile.

²⁹ Futsi manje, iNkhosi Jesu, ingu-Emanuweli, kufanele kutsi yayikhatsese. Emandla aphumile kuYo. Futsi Bekanemsebenti lomkhulu ngaphambi kwaKhe, ngayitolo, ngesikhatsi Ehlela ngale ngesheya, njengoba sonkhe sati, ngoba Bekaweleta eGadara, futsi ngulapho la Atfola khona loluhlanya. Wacabanga, mhlawumbe, ngesikhatsi umkhumbi uncumula eGalile, lokukutsi mhlawumbe kutsetse sikhashanyana impela, Wavele

nje wasebentisa kahle lelitfuba kutsi atsatse kuphumula lokuncane. Loko akukehlukani nje ne-nekwemvelo, loko nomangubani bekangakwenta.

³⁰ Bese bangene emkhunjini kanye Naye, futsi baMletsa agibe. Futsi bebawele lwandle, kuyoshumayela ngale ngesheya. NaJesu walibona lelitfuba lelikhatimulako, akhatsele futsi abutsakatsaka, ngoba Bekangumunfu. Bekasengakabi ngulongenakufa ngalesosikhatsi. BekanguMunfu, futsi Bekafanele afe. Kunga lesosizatfu Nkulunkulu wadzingeka entwe uMunfu, kute afe. Manje, nango lapho Akhona, futsi etela futsi akhatsele. Bafundzi bakhe batsatsa tigwedlo base bamisa emaseyili.

³¹ Ngaleto tinsuku, bebane, uma bebanemoya lovungutako, bebakhona kuchaneka emkhunjini futsi—futsi wawungaphephetseka ngemaseyili. Futsi ngalesinye sikhatsi uma bewuhamba kancane kakhulu, noko kwasita kancane, ekudvonseni kwaletigwedlo, bebatsatsa tigwedlo futsi bahambisane nawo. Futsi naleliseyili, futsi, bebangasheshe befike. Lomunye wahlala ngemuva. Ngalokuvamile, emkhunjini lomkhulu kanjalo, cishe emadvodza lasiphohlongo noma lalishumi kutsi awugwedle. Yebo-ke, bebane—nesicondzisa-mkhumbi, nendvodza yinYe inakekela lesicondzisi-mkhumbi, ngemuva, uma bewuntjweza. Ngako-ke, uma wawugwedla, kusobala, bebabophela phansi lesicondzisa-mkhumbi futsi badvonse ngetigwedlo tabo.

³² Manje, ake sicabange kutsi nje bebaneliseyili etulu, ngoba kufanele kutsi kwakukadze kunemoya lomncane lovungutako, kuloko lokwentekile emvakwesikhashana. Futsi noma ngubani uyati, leyoncenyе yaseGalile, noma entasi ekhatsi lapho, o, hhe, nomayini ingenteka nomanini. Futsi ngako bebasendeleni yabo, bantjweza bewela.

³³ NaJesu ufanele kutsi waya lengemuva kwalesikebhe lesincane, watigoca, wase ulala phansi endvundvumeni lapho, kute Atsi kuphumula kancane futsi elulame ekuphelelwensi ngemandla kwaKhe, ngenca yenkonzo yaKhe lebeyimhlalele ngembili.

³⁴ Nebafundzi bafanele kutsi bebakadze batfokota lomunye nalomunye, etikwaloko lebebakadze baMbona akwenta. Kufanele kutsi kwakukadze kusikhatsi lesimangalisako sabo, ngoba beba—bebanesikhatsi, bafakaza mhlawumbe lomunye nalomunye. Futsi mhlawumbe bebacocisana ngetintfo letitsite lebebaMbone atenta.

³⁵ Futsi manje ake sime lapha umzuzu nje futsi silalele ingcogco yabo. Bangahle kube bacoca nge—ngendzawo ngesikhatsi Asho intfo lenjengalena, “NGINGUYE LENGINGUYE.” Ngesikhatsi Atsi...

Batsi, “Bobabe betfu badla imana ehlane, futsi bebangaphansi kwaMosi.”

³⁶ Futsi Jesu watsi, “Kepha bona, bonkhe, bafile.” Babili kuphela labefika eveni lesetsembiso, niyabona, Joshuwa naKhalebi. “Bonkhe bafile. Kodvwa Mine ngiSinkhwa sekuPhila lesivela kuNkulunkulu, siphuma eZulwini. Umuntfu angahle adle leSinkhwa lesi futsi angafi.” Wagucula, kwakwehlukile. Bekangaba kanjani Sinkhwa? Bangahle kube bendlula kuloko. Futsi bangahle kube bendlulile...

³⁷ Ngekutsi mhlawumbe kunetihambi lapha, letitele inkonzo yekuphilisa, ngingahle ngisho loku. Bangahle kube batsi... Manje, leyo bekuyoba yintfo yinye Layisho, kutsi Bekanguloko kutsi “NGINGUYE” lobekasesihlahleni lesivutsako. Ngoba, batsi, “Ungumuntu longakendluli emashumini lasihlanu kepha utsi ubone Abrahama. Manje sesiyati kutsi uyahlanya.” Niyabona, *kuhlanya* kusho ke “kusangana.” “Futsi awukho ngetulu kweminyaka lengemashumi lasihlanu budzala,” ngesikhatsi Anemashumi lamatsatfu kuphela. “Kodvwa,” watsi, “Ucishe ubeneminyaka lengemashumi lasihlanu nje budzala, kepha u—utsite ubone Abrahama? Manje siyati kutsi uyahlanya.” Niyabona na?

³⁸ Kodvwa Watsi, “Angakabikhona Abrahama, NGIKHONA.” O, hhe! Hhayi kuphela kubona Abrahama, kodvwa, “Angakabikhona Abrahama, NGIKHONA.” Futsi nje Unguye impela nje “NGINGUYE” manje njengoba Bekanjalo ngalesosikhatsi. Manje, khumbulani, “NGINGUYE” akusiko kutsi “Nganginguye,” noma “Ngiyoba nguye.” “NGINGUYE” lohlala njalo, sonkhe sikhatsi; longuye itolo, namuhla, naphakadze. “NGINGUYE.”

³⁹ Futsi-ke bangahle kube batsi, “Yebo-ke, manje, nasi sizatfu sinye lesisatiko kutsi BekanguMesiya. Ngoba, U... Siyati.” Manje, Bekasavele ayolala manje. “Futsi siyati kutsi Ubophelelekile kutsi abe nguMesiya, ngoba siyatjelwa yimiBhalo kutsi loMesiya uyokwentani uma Efika.” Manje, loko ngulokuhle kwati kwekudzabuka kwetintfo kwanomangubani, nalenhle, levakalako, imfundziso yelibandla lemtsetfo.

⁴⁰ Nguloko lebengitama kukutfola itolo ebusuku, enhla kulelinye, Mesa. Sonkhe sikhatsi, ningehluleli ngekwemadlingozi. Yehlulelani ngekweLivi. Kufanele kube Livi. Manje, bukisisani Livi nekutsi Livi litsini, khona-ke nati kutsi loko kungiko, ngoba Nkulunkulu washo loko. Loko kukwenta kube ngulokucinisisile, manje.

Futsi bebaMehlulela manje ngekweLivi.

⁴¹ Manje kutfola kutsi ngabe BekanguMesiya yini, bewungabuyela kumuntfu lowabanika umtsetfo. Nkulunkulu wabanika wona, kusobala, kodvwa Mosi wabuya nawo entsabeni, kusuka kuNkulunkulu. Futsi wabatjela kutsi

bekatobashiya ngalelinye lilanga. Kodvwa, “INkhosi Nkulunkulu beyitovusa umProfethi lonjengaye, lonjengaye: umniketi-mtsetfo, u—uyiNkhosi-mProfethi. Futsi—futsi kuyofezeka kutsi wonkhe lowala kuva lomProfethi uyosuswa emkhatsini webantfu.” Manje, bakucaphela loko, ngesikhatsi Jesu efika.

⁴² Futsi kwehle njalo ngemiBhalo, bebanemyalo, emaJuda enta, kutsi, “Uma akhona emkhatsini wenu longuwakamoya noma umprofethi, Mine, iNkhosi, Ngitakutatisa kuye ngemibono. Futsi lakushoko kuyafezeka, khona-ke vanini lowomprofethi, ngoba Nginaye. Kodvwa uma kungafezeki, khona-ke ningamlaleli.” Manje, loko nje kunengcondvo. Loko nje kwentingcondvo.

⁴³ Njengekutsi ngesikhatsi kwakukhona indvodza leyasukuma ngalesinye sikhatsi, Jeremiya, umprofethi lomkhulu. INkhosi yamtjela kutsi—kutsi Juda bekatobasentasi eBhabhiloni iminyaka lengemashumi lasikhombisa. Watsi, “Ningamlaleli umphuphi, umprofethi, nomayini lescho lokuphambene naloko. Wafaka lijoke entsanyeni yakhe.”

⁴⁴ Futsi Hananiya, manje, Hananiya bekangumprofethi. Futsi kungesiko loko kuphela, kodvwa bekayindvodzana yemprofethi. Uyise bekangumprofethi. Futsi wenyuka, ngaphansi kwekuphefumulelwa, wase ususa lelojoke entsanyeni yakhe wase uyaphelula, futsi watsi, “ISHO KANJE INKHOSI, eminyakeni lemibili bayabuya.” Bantu bebashaya tandla tabo kuloko. Hhe, loko kwakukuhle! Bebefuna kulalela Hananiya, kodvwa kwakuphambene neLivi. Kwakungesikanye neLivi. Niyabona na?

⁴⁵ Ngako-ke, Jeremiya, watsi, “Hananiya, amen, iNkhosi yente emavi akho kutsi afezeke. Kodvwa, awume kancane, asesikhumbule kutsi bekunebaprofethi phambi kwetfu. Futsi uma umprofethi aprofetha, futsi watiwa... Umprofethi watiwa uma siprofetho sakhe sifezeka.”

⁴⁶ Ngibona labanye bangani labangemaNdiya bahleti lapha. Bengifundza emlandwensi wabo, esikhatsini lesitsite lesendlulile, ngetinsuku tasekucaleni temaKhristu teliNdiya. Futsi bebefanele balandzele inyamatane, kutsi baphile. Futsi uma kufika umprofethi emkhatsini wabo, futsi waprofetha futsi wabatjela kutsi inyamatane yayikuphi, bekaba sikhulu. Kodvwa uma aprofetha emanga, loko kwakuba kuphela kwemgwaco wakhe. Bamsusa, khona manje. Bekangachubeki nekuphila.

⁴⁷ Yebo-ke, loko kwakutisekelo letifanako Nkulunkulu latenta. Nkulunkulu watjela Jeremiya, “Hananiya sewucale emanga. Angikaze ngimtjele loko.” Niyabona, kuphambene neLivi lakhe. “Futsi utobe angasekho emhlabeni ungakapheli umnyaka.” Ngenyanga yesikhombisa wafa. Wamsusa emhlabeni.

Manje, niyabona, naloku nje bekaphefumulelwe, kodvwa kwakuphambene neLivi.

⁴⁸ Akunandzaba kutsi umshumayeli angabanemfutfo kangakanani nakashumayela, kutsi angakwenta kubukeke kahle kanjani, uma kuphambene neLivi, suka kuko. Suka kuko, ucace.

⁴⁹ Livi. Lolo luhlelo IwaNkulunkulu, sambulo lesiphelele saloko Lebekangiko, loko Langiko, naloko Layoba ngiko. Sambulo lesichubekako saJesu Khristu. Nesambulo lesiphelele saJesu Khristu, nguleliBhayibheli leli. Nomayini leyembula lokuphambene naYe, ashо kutsi Bekatokwentani, kutsi Uyini manje, “O, loko kwakusetinsukwini letendlulile,” ningakukholwa. Kufanele kube nguJesu lofanako, niyabona, futsi lelo Livi, manje.

⁵⁰ Manje sitfola kutsi labafundzi laba bangahle kube bakhulume ngaloludzaba. Mhlawumbe Phetro angahle kube watsi, “Uyati, bengicabanga, cobolwami, kutsi ngyiamkhumbula babe wami angitjela kutsi kuyofika siphitsiphitsi lesikhulu ngalelinye lilanga. Bebahlala njalo banekuhlutfuka lokuncanyana. Kutsi kuyobakhona, ngaphambi kwaMesiya lotako, mhlawumbe kuyobakhona bomesiya bemanga labavukako. Kodvwa wangitjela, ‘Ndvodzana, khumbula lentfo yinye. SingemaJuda. Singulabakhetsiwe baNkulunkulu. Futsi sinemyalo lovela kuBabe wetfu loseZulwini, kutsi, futsi siyati kutsi lowoMesiya uyoba ngumProfethi. Futsi uma umprofethi atiwa kuphela uma akhuluma, naloko lakushoko kufezeke, ngako utokwati-ke kutsi lowo nguMesiya.””

⁵¹ Futsi ngesikhatsi Phetro enyukela eBukhoneni baKhe, ngesimemo, mhlawumbe, sa-Andreya, umnakabo, lobekaMvile, futsi wabona lusuku kutsi ngesikhatsi Johane aMmemetela, futsi lowo kwakunguYe.

⁵² Futsi Johane, wabona uMoya, weva liPhimbo. Akekho lomunye lowaLiva noma waLibona, yena nje. Tonkhe letinkhulungwane time lapho, akukho muntfu lowaKubona ngaphandle kwaJohane. Kwatfunyelelwa yena. “Johane wafakaza, abona uMoya waNkulunkulu wehla, niyabona, neliPhimbo livela eZulwini.”

⁵³ Ngesikhatsi Pawula ashaywa alahlwa phansi ngekuKhanya lokwamphumphutsekisa, akukho namunye wabo lowabona lokuKhanya. Kwakungiko sibili, kuPawula, kwate Kwaphumphutsekisa emehlo akhe.

⁵⁴ Tati talandzela iNkhanyeti kusukela eBhabhiloni, kwehle njalo. Futsi taticina sikhatsi, ngetinkhanyeti. Tawelela ngale kwato tonkhe tipopolo tesibhakabhaka, futsi akukho namunye lowaYibona. Yakhonjisa letati.

⁵⁵ Nkulunkulu ukhetsa loyo Latomkhetsa, wenta loko Lafuna kukwenta. UnguNkulunkulu. Futsi Angeke aze aphikisane neLivi laKhe. Sonkhe sikhatsi uhlala neLivi laKhe, manje.

⁵⁶ NaSimoni angahle kube washo loku, niyati, ngesikhatsi abhodla...agwedla ewela...lelichibi leli, futsi Yena alele ngemuva esikebheni. Watsi, "Ngesikhatsi ngenyukela eBukhoneni baKhe, futsi Watsi kimi, 'Ligama lakho unguSimoni, futsi uyindvodzana yaJonase,' loko kwakucatulula, kimi. Ngati-ke kutsi lowo kwakunguMesiya sibili, ngoba Wangitjela liciniso impela, angazange sekangibone nhlobo."

⁵⁷ Filiphu bekangaba nebufakazi bekutfola Nathanayeli, futsi Wamtjela kutsi bekakuphi ngaphambi kwekutsi ete. Bebangakhulumga ngalowesifazane emtfonjeni. Bebangakhulumga ngaBhathimeyosi loyimphumphutse, lowatsintsa sembatfo saKhe ngekuma emayadi lalikhulu kusuka kuYe, mhlawumbe, nekukholwa kwakhe—kwakhe kuNkulunkulu kwaMtsintsa. Lowesifazane lowatsintsa umphetfo wengubo yaKhe! Tonkhe letintfo leti tafakaza kutsi BekanguMesiya. Sikhatsi lesihle kanje pho!

⁵⁸ Manje, ke, bangahle kube bacoca ngendlela labaMtsatsa ngayo bantfu. Manje si...Bewela lichibi, sonkhe lesikhatsi. NgakuYe, labanye batsi, "Labanye bakholwa. Labanye abakholwanga."

⁵⁹ Loko kuyafana njengoba kunjalo namuhla. Labanye bantfu bayaLikholwa. Cha, bewungakwenta, akunandzaba kutsi bekungacini sekiswa kucace kanjani, labanye bangeke baLikholwe. Futsi kunalabanye babo lababakamoya kakhulu, kutsi, kuvuma ngenhloko lokuncane kwekucala, bayaKutfola. Nalabanye bangangcongecodvwa, busuku nemini, kepha bangaLitfoli.

⁶⁰ Ake ngime umzuzu, kuloku, futsi ngichaze lokutsite. Timbewu letiwela emhlabeni, uma tichuma, tiyakhula uma lilanga lishaya, simo semswakama. Kodvwa uma tingakachumi, lilanga lingakhanya kuto, titovele tibile tiphele, ngalokufanako. Akukho lokwentekako.

⁶¹ Siyachuma. Emagama etfu abitwa, abhalwa eNewadzini yekuPhila yeliWundlu, ngaphambi kwekusekelwa kwemhlabo. Akunandzaba kutsi sikholwa kangakanani, loko akukaphatselani nakancane nako; ngaletinye tikhatsi kuphambene natsi.

⁶² Ngiva ngisekhaya nemnaketfu lokahle njengeMnaketfu Groomer lapha, nalaba labanye bomnaketfu lapha. Ngi—ngiva nje kutsi ngisho loku.

⁶³ Caphelani Jesu. Siyati manje kutsi BekanguMesiya. Futsi ngesikhatsi Efika futsi Atikhombisa Mesiya, etikwebantu labakholwako, BaFarisi, baSadusi, bonkhe kusukela kubaphristi kusukela elutalweni lwa-Aroni, emakhulu

laphindvwe ngemakhulu eminyaka. Khokho-wakhokho-wakhokho-wakhokho-wakhokho-wakhokho-wakhokho-wakhokho-wakhokho wabo emuva le, bomkhulu, bebabaphristi, badadisha Livi, badadisha baprofethi. Nebaprofethi bakhuluma ngalokusobala ngaloku. Kodvwa ngesikhatsi Jesu efika futsi enta loko, bebaphumphutseke njengeliluwane. Bakholwa ncamashi, bakhaliphile, bahlakaniphile, bahlakaniphile engcondvweni ngangoba bebangabanjalo, khashane ngale kwamunye wetfu namuhla, baceceshiwe eVini, bakhuliswa kusukela basengumntfwana. Futsi ngesikhatsi liCiniso sibili libhoboka embikwabo, naloko kuKhanya kwakhanya, batsi, “LoMuntfu, singeke sakutfolo loko, ngako Ufanele abe ngudeveli, Bhelzebule. Ungumcondvo lomkhulu lonemandla. Angawufundza umcondvo webantfu.” Umfundzi-micabango, besingakubita kanjalo namuhla. Abacondzanga.

⁶⁴ Kodvwa manje bukani. Ngalelinye lilanga, ngale eSikhari, lidolobha lelincane laseSamariya, naJesu wendlula wase uhlala eceleni kwelubondza. Futsi wesifazane lomncane, loneligama lelibi, ligama lelibi; bekanencumbi yemadvodza lebekangakafaneli abe nawo. Futsi nangu eta, kutokukha emanti. NaJesu watsi kuye, “Ase uNginatsise. Futsi nginatsise.” Wase uyaMtjela kutsi ba—bangeke bakwente loko. Kwakungakalungi. Kwakuyinhamba kuye ku...kutsi Yena acele wesifazane waseSamariya intfo lenjalo.

⁶⁵ Futsi Wamtjela masinyane, “Kube bewati kutsi Ngubani lobewukhuluma naye!” Manje, bekangakwati. Watsi, “Kube bewati kutsi Ngubani lobekakhuluma nawe, bewutocela kiMi emanti.”

⁶⁶ Sifundvo sachubeka umzuzwana. Emva kwesikhashana, Jesu, atfunyelwa enhla lapho emtfonjeni, watsi kuye, “Hamba, ulandze indvodza yakho.”

⁶⁷ Watsi, “Anginayo ngisho nayinye.” Noma kunjalo waphumphutsekiswa, niyabona, ngoba noma ngumuphi umuntfu bekangafundzisa isayensi yetenkholo, niyabona, noma angenta noma nguluphi luhlobo lwesitativemende. Angasho nomayini lafuna kuyisho, loko kusasolo kungakwenti kube kahle.

Watsi, “Hamba, ulandze indvodza yakho.”

Lodzadze watsi, “Anginandvodza.”

⁶⁸ Watsi, “Ukhulume liciniso, ngoba bewunalasihlanu, nalena lohlala nayo manje ayisiyo yakho. Ukhulume liciniso.”

⁶⁹ Bukisisani loko kuKhanya kushaya lesosakhi-mphilo sekuPhila. Lesitfombo saya ngekukhula. Masinyane, umlingo, masinyane; lengwadla lena, ibhacabuliwe, yakhahlelwa yakhishwa, ingakaceceshwia ngumphristi! Wesifazane emphilweni lembi, kodvwa bekamiselwe ngaphambili

ekuPhileni lokuPhakadze. Futsi ngesikhatsi loko kuKhanya kuyishaya, masinyane yakubona.

⁷⁰ Watsi, “Mnumzane, ngiyabona kutsi Wena ungumProfethi. Manje, besisolo singenaye iminyaka lengemakhulu lamane, kodvwa noko siyati kutsi kuta Mesiya. NalowoMesiya uyoba ngumprofethi, futsi Uyositjela letintfo leti.” Niyabona, bekati iNdvodza leyamtjela kutsi angeke imtjele emanga.

⁷¹ Futsi Bekakwati. Futsi Watsi, “NginguYe, lolokhuluma nawe.”

⁷² Akazange abute lomunye umbuto, kodvwa, washona edolobheni, wase utsi, “Wotani, nibone uMuntfu!”

⁷³ Bukani umehluko. Niyabona, uma loko kuKhanya kushaya, kuyoba bumphumphutse noma kuletse ekuPhileni. Niyabona? Kufanele kubenjalo. Kuphila, umBhalo weliBhayibheli!

⁷⁴ Manje, bekungaba netintfo letinengi bantfu lebeba ngakhuluma ngato. Labanye babo basho kanjena, “Akekho umuntfu lowake wakhuluma njenga loMuntfu.” Labanye babo bakholwa, batsi, “LeNdvodza ibonakala ineliguña. Ibonakala ikwati kakhulu loko Lekhuluma ngako. Asikaze sibone indvodza lebe yingasukuma futsi nje ikhulume tintfo letinjalo. Sivile bapristi bakhuluma. Sivile borabi, baphristi, nako konkhe, yonkhe intfo, netifundvo, nakanjalonjalo. Kodvwa loMuntfu ukhuluma ngeligunya. Uyati kutsi Ukhuluma ngani. Akekho umuntfu lowake wakhuluma kanjalo.”

Labanye batsi, “UnguBhelzebule.”

⁷⁵ Kufanele kutsi kwakunguJohane, umfo lomncane, niyati, acabanga ngekushesha. Kufanele kutsi kwakunguye lowatsi, “Kucabange nje! Lowo lobekangatsatsa imicatsane lesihlanu netinhlanti letimbili, futsi aphe tinkhulungwane letisihlanu, amen; Lowo lowati imfihlo yenhilitiyo; Unatsi, lamkhunjini. SinaYe khona lapha. Bazalwane, niyafakaza,” angahle kube watsi, “kodvwa Lowo lesicabanga ngaye, Ukhona lapha kanye natsi.”

⁷⁶ Leyo yintfo lefanako khona manje, Lowo leshumayela ngaye, Lowo lesikhuluma ngaye. Angasita ngani Nkulunkulu waMosi uma Angesuye Nkulunkulu lofanako namuhla? Lowo lesikhuluma ngaye ulapha kanye natsi. O, intfo lenje pho kucabanga ngayo!

⁷⁷ Futsi-ke, niyabona, futsi beba sechibini leliyingoti. Futsi, ku—kutivela baphephile, lapho basewela lelochibi lelinesi—siphepho lesikhulu, kwati kutsi Loyo ulele kanye nabo, lamkhunjini.

⁷⁸ Ungaphepha kanjani pho! Lapho tilwandle tinyakatiseka, lapho tinganyakatiseki, nje akwenti nalomncane umehluko. Kuphela nje uma wati kutsi Ulele khona lapho, kwenta mehluko muni na? Akufike, kuhambe, noma kungaba yini,

akwenti nalomncane umehluko. Kulapho. Ngiyakwati. Wena utsi, “Ngi...Ayibusiswe iNkhosi!” Dokotela utsi utobulawa ngumdlavuza; vele utsi, “Ludvumo kuNkulunkulu! Luhambo lolusheshako Iwekuya eKhaya, mhlawumbe.” Niyabona na? Abanankinga.

⁷⁹ Ngikhuluma, nelicembu labodokotela, ngalelelinye lilanga. Watsi—watsi, “Ngiyifundzile incwadzi yakho ngekuphilisa kwaNkulunkulu.”

Ngatsi, “Ngiyacabanga ugcekile.”

Watsi, “Cha, mnumzane. Ngiyavuma kutsi ucinisile.”

Ngatsi, “Ngiyabonga, Dkt. Schoen.”

⁸⁰ Watsi—watsi, “Mnaketfu Branham, sine lirekhodi kutsi uma sitjela umuntfu lonesimila, noma—noma intfo letsite letombulala, silondza lesilungele kubhidlika, noma sifuba sengati, kuya ngekutsi bakutsatsa ngasiphi simo. Uma bonkhe badzabuka,” watsi, “bayafa masinyane nje. Kodvwa,” watsi, “uma batsatsa simo sekutiphatsa, ‘Yebo-ke, kufa yincenye nje yekuphila. Kulungile, uma ngifa,’ ” watsi, “uyati, kucishe impela kukudambise kancane lokokugula?”

⁸¹ Ngacabanga nje, “Uma lesosimo sengcondvo, sitsetfwe kanjalo, kutokwentani uma Moya loyiNgcwele ashaya lowomuntfu longekhatsi na?” Nako ke. Ku... Ngimbute loko.

⁸² Watsi, “Impela, kunjalo, uma ungangena endzawaneni, yenyukela kuloko.” Lomunye walaba hlindzanako nabo bonkhe bodokotela lokhona endzaweni yaseningizimu, watsi, “Uma ku...Mnumz. Branham, kungafakazelwa. Uma umuntfu atohamba, angenyukela kuleyo ndzawana, kute kutsi ngisho umcondvo wakhe lucobo ungati ngisho nekutsi unako, kucabanga kutsi unako, futsi angakunaki ngisho nekukunaka,” watsi, “kuyokwenta, uma angakukholwa loko.” Liciniso lelo. Niyabona na?

⁸³ Simo sengcondvo lobuka kuso sitoletsa... Manje, umcondvo ungeke ukwente. Kodvwa uma uniketa lesosimo entfweni letsite lenekuphila kuyo, khona-ke loko kuPhila kuyehla futsi kuyakwenta. Hhayi simo sakho sengcondvo; loko kukuletsa kuphela eBukhoneni baKhe. Nguloko lokwentako, umcondvo wakho. Lemizwa lesihlanu ilungile kuphela nje uma ingamphiki Nkulunkulu. Kodvwa uma ihamba iphika Nkulunkulu, khona-ke yiyekele. Nkulunkulu uyayilawula. Lowo nguMdali.

⁸⁴ Manje, kuphepha lokunje pho, njengoba ngishito, kuntjweza kulowlandle lolumatima, ngati kutsi Ulele ngco esikebheni. Kunentfo labobafundzi lebekangiyo ngalobo busuku, njengoba sinjalo kusihlwa, bebatfokotela imitselela yemhlangano; emvakwemvuselelo, badla imiphumela yemvuselelo.

⁸⁵ Manje, uMnaketfu Groomer, nemnaketfu lapha, nalabanye labanengi. Cishe eminyakeni lelishumi nesihlanu leyendlula

sita kulolonkhe lelive, futsi kwaku nemvuselelo. Hhe! Futsi niyati kutsi sentani namuhla? Sikhulumu ngako nje. Imvuselelo seyiphelile. Seyiphele, sikhatsi lesidze. Siphila nje emiphumeleni yayo, silindzile.

⁸⁶ Nalabo bafundzi bebenta intfo lefanako, batfokota, baphila ngaloko lebeba kubonile kwentiwa, mhlawumbe lusuku ngaphambili, neliviki ngaphambili, nemnyaka ngaphambili. Bebefakaza ngako, baniketa, o, bufakazi lobukhulu bako.

⁸⁷ Sikwati kanjani loko, njengoba Jesu elusukwini lwabo bekaphumule emkhatsini wetimvuselelo, sati kanjani kutsi mhlawumbe Uphumulile manje emkhatsini wetimvuselelo na? Ya.

⁸⁸ “O,” wena utsi, “manje, awume kancane, Mnaketfu Branham; utsi kuhondla kancane emgceni manje. Jesu akadzingeki kutsi aphumule.”

⁸⁹ Yebo, Wakwenta. LiBhayibheli lasho kutsi, “Nkulunkulu wenta emazulu nemhlabu ngetinsuku letisitfupha, nange lwesikhombisa Waphumula.” Impela wakwenta. Waphumula. Jesu, akhatsele, alele esikebhene, Bekalele futsi aphumulile.

⁹⁰ Futsi mhlawumbe emva kwekushikashikeka kwemvuselelo lesandza kwendlula nje, mhlawumbe Uphumulile manje njengoba Befanjalo ngalesosikhatsi. Ngiyetsembe kutsi nguloko-ke.

⁹¹ Nebafundzi bekajabula ngaloko lebeba Mbone akwenta, niyabona, futsi bati kutsi Befanabo.

⁹² Loko kutsi akufane nemuntfu, umcondvo wemuntfu. Umcondvo wemuntfu uhlala njalo ukhuluma ngaloko futsi utfokota loko Nkulunkulu lakwentile, futsi basho loko Latokwenta, kepha banganki loko Lakwentako.

⁹³ Bekangakalali, empeleni. Sitofika kuloko, emizuzwini lembalwa. Niyabona na?

⁹⁴ Batokukholwa loko Lakwentile, futsi bamemete ngako. Bayokhuluma ngaloko Latokwenta, futsi bakhatimulise Nkulunkulu. Kodvwa loko Lakwentako khona manje, abakunaki. Leyo nje yimvelo yemuntfu. Nguleyondlela nje lakwenta ngayo.

⁹⁵ Khona-ke, ngesikhatsi basatfokotela tibusiso tenhlanganyelo yabo, lomunye nalomunye, futsi, o, kubala konkhe, loko lebebakubonile kwentiwa, khona masinyane nje lapho inkhatsato yavumbuka.

⁹⁶ Futsi loko kutsi nje akufane naSathane, kwenta loko, niyabona, khona lapho uma unemhlangano webufakazi noma lokutsite. Tikhatsi letinengi ngi...

⁹⁷ Lapha kungesiko kadzeni, bengise mhlanganweni, nje ngilungiselela kubitela e-altari. Nalomfo lomdzala

wavela ngco ngale esiyilweni, afile ngangoba angakhona, niyabona, ekuhlaselweni yinhlitiyo. Futsi yonkhe lendzawo yaphatamiseka. Futsi ngiyakhohlwa... Kwakuse Shawano, eWisconsin. Ngacabanga, "Nkulunkulu, ngingentanjani na?" Ngabuka ngalapha, futsi ngabona lelikhehla embonweni, liphuma ngemnyango. Ngiyati kutsi kufanele kwentiweni ke.

⁹⁸ Kungesiko kadzeni, nalolusito lolukhulu lwetimali lwa-Oral Roberts, dokotela enhla lapho ePhiladelphia, yini leyo? Uyi... Kholwa ligama lakhe manje. Ungudokotela wematinyo. Ungumsiti lomkhulu weluhlelo lwamabonakudze lwakhe. Angi salikhumbuli ligama lakhe. Futsi si... [Lomunye utsi, "Barton."—Umhl.] Barton. Sasinemhlangano, futsi bengilungiselela nje kubitela e-altari. Futsi ngacaphela wesifazane wenta loku ngakejwayeleki sibili, nendvodzakati yakhe yagijimela ngalapho, yacala kushikisha buso bakhe. Ngacabanga, "Yebo-ke, ulengela ekuculekeni." Futsi khona masinyane nje, ttinyawo takhe taphuma tacondza ngco, netandla takhe taya emuva *kanjena*.

⁹⁹ Dkt. Barton wagijima waya ngalapho bekakhona, watsatsa kushaya kwemtsambo wakhe. Bekangasenako. Wangibuka, wanikina inhloko yakhe. Yebo-ke, ngetama kugcina umcondvo webantfu... Bebahleti ngephandle, sicuku lesikhulu. Kukhwesha kuko, kanjalo, ngichubeka nje, ngikhulum. Futsi ngako watsi, "Hamba ulandze Branham lomncane." Lowo beku nguBilly. NaBilly wambona lowo wesifazane lofile. Bekute lebekangakwenta ngaloko. Niyabona na? Bekangakufuni loko. Yebo-ke, lapho nje ngicala kukhulum. futsi... Manje, Dkt. Barton, njengoba nimati, ningahle nimbute.

¹⁰⁰ Ngacala kukhulum. futsi, ngatsi, "Manje, wonkhe umuntfu, ningaphaphuleki. Thulani." Ngalesinye sikhatsi uma ubona lidimoni litama kuphuma kumuntfu, baba ngulaba ngahloniphi, sicuku siba madzabudzabu. Leyo yintfo lengakalungi kuyenta. "Hlalani nthule. Ningaphaphuleki. Ulapha."

¹⁰¹ Futsi ngesikhatsi ngisakhulum. kanjalo, angati kutsi kwaze kwenteka kanjani, kodvwa ngagucukela kuye ngase ngibita ligama lakhe. "Mariya, buka lapha." Futsi ngesikhatsi enta, waphaphama, wavuka.

¹⁰² Niyabona, ngulesosikhatsi sekukhatsateka. Masinyane nje nako kuvuka inkhatsato, ngaso lesosikhatsi.

¹⁰³ Manje, manje, ningahle nibute Dkt. Barton ngaloko. Ngahlangana naye ngelusuku lolulandzelako, futsi watsi, "Mnaketfu Branham," watsi, "lowo wesifazane beka ngenanhltiyo. Ngakutsatsa ngakuyisa phansi lapha esifubeni sakhe—sakhe. Ngatsatsa inhltiyo yakhe entsanyeni yakhe, yonkh'indzawo." Watsi, "Bekahambile." Futsi, ke, bebangumndeni lonjingile sibili, futsi kwakukwekucala kutsi ake abe semhlanganweni lonjalo. Futsi wa... .

¹⁰⁴ Ngahamba, wangitsatsa wangiyisa enhla endlini yakhe, futsi lodzadze watsi, "Ngikuvile ubita ligama lami." Futsi angikaze ngimbone lowesifazane emphilweni yami, kodvwa kwaku nguMoya loyiNgewe. Niyabona na?

¹⁰⁵ Manje, masinyane nje, nako kuvuka inkhatsato. Umkhumbi ucala kugudlutela. Emagagasi aphakama. Futsi, liseyili, mhlawumbe umoya wehlela lapho ngekuhhusha lokukhulu kwakushaya watsanyela lensika yemkhumbi. Nalomkhumbi wagudlutela, neligagasi lelikhulu labamhlophe ngetulu futsi laphonsa emanti ekhatsi kulesikebhe. Nesikebhe sicala kugewala nswi emanti. Inkhatsato! Onkhe ematsema ekusindza abonakala angasekho, naloku nje bebaMbonile enta tintfo letinengi kakhulu. Bebakubonile, kodvwa, ngesikhatsi kungena inkhatsato, konkhe kwakhohlwakala.

¹⁰⁶ Ngiyatibuta kutsi loko akusiso yini simo lesifanako kusihlw. Siyati kutsi simbonile Nkulunkulu akwenta kulemvuselelo. Nine bafundisi niyawabona emandla aKhe—aKhe. Akhe, kutsi Ubavuse kanjani labafile; sitatimende sadokotela. Washo tintfo tingakenteki letenteka, ncamashi. Waphilisa labagulako. Tinkhulungwane letiphindvwne katinkhulungwane tiphilisiwe, emhlabeni jikelele. Kodvwa manje lapho sitfongwana sifika, futsi nayo-ke inkhatsato igadla, ngabe sikukhohlwa masinyane loko na?

¹⁰⁷ Njenga-Israyeli nje, ngesikhatsi Ente tonkhe tinhlupho eGibhithe, futsi wenta letintfo letinkhulu Latenta. Khonake ngesikhatsi befika eLwandle loluBovu, Mosi wadzingeka amemete kakhulu, "Nibone imimangaliso lelishumi, kepha nisasolo nimngabata Nkulunkulu?" Ngesikhatsi bangatfoli kwasamanti emgodzini lomdzala lokhipha emanti, behhihitela, bakhonona. Loko tidalwa letibantfu nje. Bakhohlwa yonkhe imimangaliso Layenta. Niyabona na? Siyawenta, natsi.

¹⁰⁸ Mhlawumbe labafundzi laba bebanako konkhe, ngenca yesikhatsi senkhatsato. Manje uma sitfola i...Bebangene enkhatsatweni kutsi bebangalitfoli nhlobo likhambi lako. Kuphela nje uma singatfola likhambi, sibambelela kuko ngco. Kodywa bebangene enkingeni lebeba ngalitfoli likhambi, futsi besaba. Bamemeta. Bebesaba ngesikhatsi bangenalo likhambi.

¹⁰⁹ Ngetsembise kutsi ngitolikhipha libandla lapha ngensimbi yemfica. Ngako bengingahlala kuloko sikhatsi lesidze, kodvwa ngi—ngitama nje kushaya tindzawo letimcoka, la ningabona khona.

¹¹⁰ Mnaketfu, kunencumbi yenkhatsato kusihlw lesingenalo likhambi layo. Ngine luchungechunge, luhla entasi lapha, tinkhatsato telive lonkhe. Abakwati kukucatulula kute likhambi. Abati kutsi bakwente kanjani. Kwe U.N., Inhlanganisela yeTive, nako konkhe lokukhuluma loku, kuya

ngekuba kubi kakhulu ngekuba kubi kakhulu ngaso sonkhe sikhatsi.

¹¹¹ Ngalobobusuku eFinland, ngesikhatsi lowomfana lomncane abulewe esitaladini ngalolosuku. Umphatsi-dolobha sewukubhalile, futsi ngikutfole kusayinwe ngeluphawu lwakhe. Ngibone umbono wako, iminyaka ngaphambili. Uma ngita ngidzabula e-Arizona lapha, nginitjela ngako, "Kutoba nemfana lomncane lovusiwe kulabafile,nekutsi utobukeka kanjani." Nonkhe niyakukhumbula, labanengi benu. Manje, kwenteka ngaleyondela nje. Nganitjela kutsi kuyovela ephepheni *LiPhimbo LekuPhilisa*. Kwakwenta, cishe eminyakeni lemibili kamuva, noma lemitsatfu. Niyabona na? Manje, bonkhe batsikameteka, nako konkhe loko kuchubeka, futsi nalo-ke likhambi. Nkulunkulu bekanalo likhambi, futsi Wamphilisa lomfana lomncane.

¹¹² Ngalobo busuku, ngewuka ngesitaladi eKuopio. Futsi ngesikhatsi sehla ngesitaladi, cishe labasitfupha balabafana laba labancane laba baseFinland... Bebasandza kuba naleyomphi nje, nalabafo labancane bebangakaze bashefe. Kwaku-kwaku... Bebabafana labancane bebafanale bangeniswe embutfweni wetemphi. LawomaRussia ababulala abasusa. Futsi bebaya entasi lapho, naleti letinkhulu, letindzala, letindze, tinsakabuli temikhwa, babambe ticuku, lapho ngisewuka kuloko lebebakubita ngeMessuhalli, lapho bavumela khona cishe tinkhulungwane lettingemashumi lamatsatfu nesihlanu, base bayabakhipha, base-ke bangivumela ngikhulume kuletinye tinkhulungwane lettingemashumi lamatsatfu nesihlanu noma emashumi lamane.

¹¹³ Futsi lapho esitaladini, nako kume emasotja aseRussia. Futsi ngesikhatsi ngihamba ngendlula, nendesheni yaseRussia, netinyembeti tehla etihlatsini tabo. Futsi ngesikhatsi ngendlula, bawabamba lawomasotja langemaFinnishi futsi bawagaca. Mnaketfu, nomayini letokwenta umRussia agace waseFinland, noma waseFinland agace umRussia, iyocatulula timphi. Bece ngetulu lentfo lecatulula timphi, kodvwa bangeke bakhone kutfola likhambi ngemphumelelo leyentiwe ngumuntfu.

Sekuvele kwentiwe. UMuntfu wafela leyohnloso.

¹¹⁴ Libandla linetinkhatsato labangenalo likhambi lato. EmaMethodisti onkhe atowatfola kanjani onkhe emaBaptisti kutsi abe yiMethodisti? Ngiyatibuta nje. I-Assemblies yonkhe itobenta kanjani bonkhe bakaMunye babe yi-Assemblies, noma i-Assemblies kuhamba ngekuntjintjana? EmaPhentekhostali onkhe atowawina kanjani onkhe emaPresbyterian, emaLuthela? Futsi iKhatolika itoyitsatsa kanjani yonkhe lentfo? Niyabona na? Bangeke nje bakucabange, kutsi ngumuphi wabo lotowubusa. Niyabona na? Abati. Abanalo likhambi. Kulungile.

¹¹⁵ Kodvwa, benati yini, bebete likhambi kutsi basivimbe kanjani lesosiphepho, kodvwa likhambi lalilele lapho.

¹¹⁶ Futsi asengisho loku, mnaketfu, kusihlwa. Kuto tonkhe letinkhatsato tefu, sisenalo liKhambi. *Nali* ke, ngoba ULivi. Lilele khona *Lapha*, naMoya waKhe ukhona lapha kuLibonakalisa. Ngako, sineliKhambi. Kodvwa sitama kutfola letinye tintfo, kucala lenye inhlangano. Ngitsi labo. Niyabona na? Singeke sikucondze. Sekuvele kucondziwe. Siyehluleka nje kuhamba ngendlela lese ilungiselelw tsine.

Kodvwa bakhatsateka.

¹¹⁷ “Uma batokuba nenkonzo yekuphilisa entasi kaGroomer, yebo-ke, uyati kukhona lokutsite ngalabobantu lengingakutsandzi. Babagiciki labangcwele. Angiyi entasi lapho.” Yebo-ke, nako laph’ukhona. Niyabona na? Nguloko-ke. Kungaleyondlela nje. Niyabona na? Ya. Ku . . .

¹¹⁸ Kodvwa Khristu unguvelo Khambi. Uyintfo lengalenta. Bafundzi bakhe, namuhla, bangena encumbini yenkhatsato, futsi abalati liKhambi. Loko kunjalo.

¹¹⁹ Futsi asengisho loku. Tikhatsi letinengi labangcwele baKhe labaligugu bangena enkingeni, nabo, inkhatsato yenyama, kodvwa lapha sineliKhambi. Amen. Sinelikhambi.

¹²⁰ Ngicabanga ngalowesifazane lohleti lapha nenkhatsato yeliphaphu, ke; le-oksi jini lena, muve ayiphefumula. Ngicabanga kutsi ingabe ilala kanjani leyontfo tatane ebusuku. Cabanga nje ngaletindleko loko lokungito. Dzadze, lapho, ngiyalati liKhambi. *LiLapha*. Awudzingi kutsi wente loko. Kodvwa ufanele uLisebentise. Uyabona na?

¹²¹ Manje, bafundzi bangena enkingeni yenyama, inkhatsato bodokotela longenalo likhambi layo.

¹²² Njengalabo bafundzi nje, beba nenkhatsato. Bebabafundzi, futsi bebane—bebanenkinga tinkhombandlela lebetingeke tikhone kuyicatulula. Ba . . . Akekho lobe kangakusombulula, kodvwa liKhambi lalilele khona lapho.

¹²³ Futsi ungahle ubi nenkhatsato kusihlwa kutsi dokotela angeke akhone kuyelapha. Kodvwa sinaYe khona lapha manje, njengoba bebanaye. Ukhona lapha. Kunjalo. Tsine, njenga labobantu, sikhohliwe kutsi Ngubani lona lolamkhunjini. Akusilo nje libandla. Akusijo nje imitsetfo lesendlula ngayo. Kodvwa nguMdali wemazulu nemhlaba. Angahle kube uphumulile khona manje kusuka emvuselelwени. Watfumela munye. Angahle kube uphumulile.

¹²⁴ Bekanalenyę ngaphambı kwaKhe, ngelusuku lolulandzelako, luhlanya lwalufanele lophiliswe. Kodvwa, ngalesosikhatsi, Bekaphumulile, nenkhatsato yangena. Futsi Bekalele, aphumulile. Kodvwa bakhohlwa kutsi BekunguBani, niyabona, esiphitsiphsitsini. “Yebo-ke, ngiyati, kodvwa badvonsa

lesosigwedlo, Simoni. Andrew, kulukhuni *kuleso* sigwedlo! Sitokwentanjani na?" Niyabona na? Nako ke.

¹²⁵ Yini lele nikhatsateke ngayo nonkhe? "Dokotela ushito *luku*. Dokotela ushito *lokwa*." Yebo-ke, mhlawumbe wakwenta. Mhlawumbe lendvodza icinisile. Nguloko lekushito. Kodvwa, Kutsini loku? Leyo yintfo lelandzelako. Niyabona na?

¹²⁶ Futsi lenye intfo. Emvakwekuba sebaMati ngendlela lebebenta ngayo, bebafanele bati kutsi uMuntfu lobekangasho imicabango indvodza leya yiwcabanga, futsi wati kuphela kusukela ekucaleni, wati kutsi kwaku tokwenteka nakanjani. Amen. Manje, ninga, ningaphutselwa nguloku. Bekati kutsi kwakutokwenteka. Ngiyangabata kakhulu impela kutsi Bekalele. Kodvwa Bekati kutsi kwaku tokwenteka. Beka nguNkulunkulu, naNkulunkulu ungu longenasiphetfo, ngako Bekati kutsi kwaku tokwenteka. Futsi Bekati kutsi kwaku tokwenteka nini. Futsi kwenteka kuphela, kuhlolola kukholwa kwabo. Akashongo yini kanjalo, kamuva?

¹²⁷ Futsi kungako nigula kusihlwa, mhlawumbe. Kungako lokulolotela kwemvuselelo kuhkhona, kubona kutsi utockwentani ngaloko lobone kwentiwa. Nitoyitsatsa, nente lenye inhlanguano ngayo?

¹²⁸ LoNkulunkulu lowachubekela enkhundleni, ngesikhatsi lodzadze, lohleti lapha, bamletsa elayinini, entasi lapha kulelo lelincane, libandla laseMexico ngalolosuku, nemdlavuza enhlitiywensi. Dokotela wakhe une x-reyi. Umyeni wakhe uhleti lapho. Batsi, "Kune wesifazane lofile elayinini."

Ngatsi, "Mletseni." Ngangicinisekile kutsi Bekalapho.

¹²⁹ Dzadze Waldrop, loko sekube sikhatsi lesidze lesendlulile, iminyaka lelishumi nesitfupha. Niyabona na? Afa, anemdlovuza! Khumbulani, lowoNkulunkulu lofanako usasolo alamkhunjini. Ningakhatsateki. Kunebufakazi lobungajikisa iPhoenix, iMaricopa Valley, noma umhlabo, ubheke phansi, bunye emashumini etinkhulungwane.

¹³⁰ Usekhona lapha. Kodvwa sitfola konkhe kukhatsateka, niyabona, njengoba benta. "O, hhe! Dvonsa lesigwedlo *lesi*. Yini lesitoyenta lelandzelako?" Manje, ningacabangi ngaloko. Kuphela nje uma Alakhatsi emkhunjini, khohlwa ngako. Impela. Manje, Wakwenta kuphela kufakazela kukholwa kwabo. Futsi ngabe umBhalo wetfu awusitjeli yini kutsi, "Letivivinyo leti tibekwe etikwetfu, futsi tiligugu kakhulu kitsi kuneligidole?" Asicabangi kanjalo, kodvwa liBhayibheli licinisile.

¹³¹ Ungake ucabange nje Jobe ajabulela kudzabuka ngematfumba, nato tonkhe letintfo leti setihambile, alahlekelwa ngiko konkhe kwemcebo wakhe nebantfwana bakhe, nayoyonkhe intfo? Kwakungasilula mbamba, kodvwa Nkulunkulu bekafakazela kuSathane kutsi Bekanalotsite Langabeka litsemba kuye. Mhlawumbe Utama kwenta intfo

lefanako eludzabeni lwakho, nani nonkhe nine labanye. "O, batoKushiya. Bato..." O, cha. Jobe, bebaneke bamente Jobe ente loko. Cha, mnumzane. Niyabona na? Utama kuphela kubafakazela.

¹³² Khumbulani, emizuzwini lembalwa, Watsi, "O, nine bekukholwa lokuncane. Beningete nacondza ngekuhlephula sinkhwa futsi ngipha tinkhulungwane letisihlanu? Anati yini kutsi NginguJehova lofanako lowabondla iminyaka lengemashumi lamane ngephandle lapho ehlane, emahhavini, siphuma eZulwini, ngesikhatsi ngisitfulula njalo ebusuku? Yini leleniyesabako? Anati yini kutsi ngamisa Lwandle loluBovu, ngalelinye lilanga? Anati yini kutsi ngavula umhlabu futsi ngagwinya longakhola? Ngalelinye lilanga ngakala umhlabu futsi ngawukhafuna waphuma, uvela emkhatsini ngaleya." Futsi Ungekhatsi emkhunjini. Manje, leyo akusiyo inganekwane. Lelo liciniso. Yebo.

¹³³ Kuyafana manje. Utama kusifakazela futsi abone kutsi sitokuma kuphi, noma cha. Ususa imvuselelo, bese ucala imphikiswano ebandleni, kubona nje kutsi utokwentani. Khulula Sathane emkhatsini wenu, emkhatsini, abone kutsi utokuma kanjani. Ake akushaye ngentfo letsite, ubone kutsi hloboluni lwesincumo lotolutsatsa. Jobe watsi, "Naloku Angibulala, kepha noko ngiyoMetsema." Amen. Amen. Nguloko-ke.

¹³⁴ Shadraki, Meshaki, na-Abednego, batsi, "Nkulunkulu wetfu angakhona kusikhulula kulowomililo, kodvwa noma kunjalo asipheli emandla." Impela.

¹³⁵ Kodvwa sitfola konkhe kukhatsateka, niyati, njengoba benta, bafundzi. Bona...Sibantfu, njengoba bebanjalo nje.

¹³⁶ Futsi Bekafakazile kutsi BekanguBani, futsiske, nomakunjalo, emvakwekuba Sekafakazele kutsi unguNkulunkulu walokudaliwe. BekanguMdali. "Wakwenta kanjani Yena? Yebo-ke, ngitjele kutsi Wakhululani, kupheka lesosinkhwa nekupheka letotinhlanti." Yebo-ke, A—Akadalanga nje kuphela inhlanti, kodvwa Wayipheka lenhlanti, ngesikhatsi lesifanako. Lelo liciniso.

¹³⁷ Yavelaphi leyomana, ivela eZulwini, kudla kwangempela lokwagcina bantu baphila iminyaka lengemashumi lamane? Sinkhwa, sawa phansi sivela eZulwini. Bekasitfolephi Yena empeleni?

¹³⁸ Ayittfolaphi lawomagwababa leyonyama nesinkhwa, kondla Eliya? Kuhlakanipha kwelligwababa, kupheka inyama, futsi libulale inkhomobese liyayicoba, futsi liyipheke futsi siteki, futsi asifake esinkhwensi bese ayasibhaka, futsi asiletse ku-Eliya.

¹³⁹ UNGU Nkulunkulu. Asikukholwa, khona-ke singu labangakhola. Nguloko kuphela. Sifanele sikholwe.

¹⁴⁰ Nguloko lakwenta Abrahama, “Wabita nomayini lephambene nako ngekungatsi yayingakenteki ngisho.” Akunandzaba kutsi waguga kanganani, noma kangakanani, wachubeka nje advumisa Nkulunkulu ngesetsembiso, wachubeka naso.

¹⁴¹ Manje, Wakufakazela Lebekangiko, ngeLivi laKhe netibonakaliso tincinisekiswa. Watsi, “Uma Ngingenti imisebenti lebhalwe ngaMi, khona-ke ningaNgikholwa.” Niyabona na? Manje, ukubabamba kanjalo ke. Ngiyetsema kutsi nicabanga ngalokujulile sibili lapha. Niyabona na? Njalo bukisisani leloLivi.

¹⁴² Nguloko—nguloko Sathane lahlasela Eva ngako, ensimini yase-Edeni, futsi wamzindlisa waphuma kuko, ngemizindlo.

¹⁴³ Kodvwa ngesikhatsi abuya futsi wahlasela Khristu, waphonsa letintfo tabuyela ngco kuYe futsi. Watsi, “Uma uyiNdvodzana yaNkulunkulu, manje ngitotsandza kubona ummangaliso. Niyati, angikaze ngibone ngisho namunye. Ngitotsandza kutsi ugucule lawa...Ulambil. Yenta lamatje lawa abe sinkhwa.”

¹⁴⁴ Watsi, “Kubhaliwe...” O, hhe! Nako laph’ukhona. Esicongweni selithempeli, “Kubhaliwe...” Etikwentsaba lephakeme, “Kubhaliwe...” Wahlala ngco naleloLivi, futsi wabeka lomfo lomdzala ngco endzaweni lapho bekawakhona.

¹⁴⁵ Manje, Watsi kulabo bafo lebebangamkhola, bekacabanga kutsi Bekangumbhuli noma—noma luhlobo lolutsite lwa—lwa—lwaBhelzebule, lidimoni, ngaphansi kwekukhonta imimoya yalabafa, kutsi Bekayati imicabango yetinhilitio tebantfu, netintfo, betama kwenta loko. Watsi, “Ngumuphi kini longaNgilahla ngesono na?” Washo futsi, “Uma ningaNgikholwa,” watsi, “hlolani imiBhalo, ngoba kuYo nitsi ninekuPhila lokuPhakadze; futsi inguleyontfo, ngiYo lefakaza ngaMi. Inguleyontfo leyenta inkonzo yaMi ibe nguloko lengiko” Niyabona kutsi ngicondze kutsini? “Ngiyo lefakaza ngaMi.” Niyabona na? Asusela (kukuphi?) abuyela ngco emiBhalwени futsi. “Ngiyo lefakaza ngaMi. Iyanitjela kutsi NginguBani.” Amen. Ludvumo kuNkulunkulu!

¹⁴⁶ ImiBhalo iyakutjela kutsi ulikhola yini noma cha. ImiBhalo iyanitjela kutsi nenta kona noma cha. Nimiati kanjalo-ke umuntfu, ngebufakazi bakhe. Hhayi loko lakushoko ngaloku, kodvwa kutsi uhambisana kanjani nemBhalo. Liciniso. Nikwati kanjalo-ke.

¹⁴⁷ Jesu wabamema kutsi bakwente. “Kube bengi ngakahlangabetani nato tonkhe tidzingakalo taMesiya, khona-ke niNgitjele kutsi ngikugeje kuphi.” O, hhe! Loko kuhle. Akunjalo na? “NiNgitjele lapho Ngikugeje khona, uma Nginga kahlangabetani nesidzingakalo, uma ngente kona kanye loko imiBhalo leyatsi bentokwenta.”

¹⁴⁸ O, mKhristu, kube besingatihlembisa ekhatsi lapho, sente loko umBhalo lotsi umKhristu ufanele akwente!

¹⁴⁹ Bebefanele bati kutsi BekanguNkulunkulu walokudaliwe. Futsi bekanga... Bekanguye kanye lowadala emanti nemoya lohhushako. Bebefanele bakwati loko. Futsi uma bebati kutsi Bekanguloko, abacondzanga yini kutsi loku lokudaliwe kwemdalii kwakuyodzingeka kulalele Livi laKhe, o, hhe, uma Alidala na? Ngubani lomkhulu kunabo bonkhe, lokudaliwe noma uMdali na? Njengoba Jesu atsi, "Ngubani lomkhulu kunabo bonkhe, loyo lotfunyelwe, noma Loyo lowamtfuma?" Uh-huh. Niyabona na? Yini lokukhulu kunako konkhe, lokudaliwe noma uMdali na? UMdali. Futsi babonile, futsi Wafakaza, kutsi Beka ngulowo Mdali. Futsi-ke uma Beka ngulowo Mdali, bekangakwenta, bekungeke yini lokudaliwe kwaKhe kuMlalele na?

¹⁵⁰ Asikhumbule futsi kutsi Wadala imitimba yetfu. Imitimba yetfu ingete yawulalela yini umyalo waKhe na? "Khafuna lowomdlavuza," Utsi emtimbeni, bese uyesuka. Tsatsa nje leloLivi bese uyaLihlanyela ekhatsi lapha futsi ubone kutsi kwentekani. Impela. Yebo, mnumzane. Imitimba yetfu ifanele itfobele umyalo waKhe.

¹⁵¹ Wena utsi ungumKhristu. Ngikholwa kutsi unguye. Uyakholwa. Uphumule kukuphi na? Ngalelinye lilanga Uyovusa imitimba yetfu, emvakwekuba sebatfole ngekwelucobo, seyibhubhe ngalokuphelele. Uma ungakukholwa loko, kungani uya esontfweni na? Niyabona na? "Uma kungekho kuvuka ekufeni, asisekho yini, emkhatsini webantfu, singulabadzabukisa kakhulu?"

¹⁵² Kodywa Livi laKhe lesetsembiso, "Loyo lokholwa ngiMi, noma besafile, noko utawuphila. Amen. Ngikuvuka nekuPhila. Amen. Loyo lodla inyama yaMi futsi anatse iNgati yaMi unekuPhila lokuPhakadze, futsi Ngiyomvusa, ngetinsuku tekugcina." Ngani na? Umtimba, imilotsa, imilotsa yentsabamlilo lesentiwe ngayo, ilalela umyalo waKhe ngoba UnguMdali wayo.

¹⁵³ KuPhila lokungekhatsi kwetfu akusiko kuphela kuPhila lokudalako, kodywa kuyincenyeye yekuPhila kwaKhe lucobo. Kungaleso sizatfu sineligunya lekukhuluma nadeveli, ngoba kukuPhila kwaNkulunkulu lucobo lokudalako, uma ugcotjiwe. Kungiko. Hhayi wena, akusuwe lolokhulumako, kodywa nguBabe lohlala kuwe. Niyabona na? "Ningacabangi kutsi nitotsini, ngoba kuyokwengetwa ngalesosikhatsi." Chubeka nje, hlala nako. O, ngiyakutsandza loko!

¹⁵⁴ Emvakwekuba bafundzi sebatitfole ekupheleni kwemgwaco wabo, kufanele kutsi kwasa kulabanye babo, kutsi Bekasolo anabo. Emvakwekuba sebefike ekupheleni kwemgwaco, kufanele kutsi kwasa kumuntfu lotsite, "Yebo-ke, lapha,

empeleni, besilapha siniketa lobufakazi lobu. Nango Alele, khona lapho. Niyabona na? Utsatsa nje kuphumula emkhatsini wetimvuselelo. Futsi lapha siyaphikisana futsi siyahhwilitisana, nako konkhe kukhatsateka, futsi sidzabuka, futsi singabata, futsi sesaba, yonkhe lenye intfo. NeMdali ulele khona lapha esikebheni.” O, hhe!

¹⁵⁵ O Nkulunkulu, akuse kulabanye betfu futsi. Akufezeke, Nkhosi, kutsi kungasa, kungasa kitsi.

¹⁵⁶ Nguye kanye loNkulunkulu lokutsetse, wakwehlukanisa namake wakho. Yena kanye loNkulunkulu lokunika Moya loyiNgcwele! UnguNkulunkulu kakhulu impela nje manje njengoba Bekanjalo ngesikhatsi—ngesikhatsi A—ngesikhatsi Akunika Moya loyiNgcwele. Usondzele nje impela kuwe njengoba Bekanjalo ngalesosikhatsi. Impela nje. Ufanele ukhumbule, Uhlala alapho njalo, sonkhe sikhatsi. Kunjalo.

¹⁵⁷ Kwasa kulabanye babo kutsi uMdali bekanabo lasikebheni.

¹⁵⁸ Ngiyatibuta kusihlwa uma bantfu labagulako, ngekutsi ngitokhuluma nalabalagulako umzuzu nje, uma kungasa kuwe kutsi yena kanye loNkulunkulu lowetsembela kuye, uMdali wemazulu nemhlabo, Lowente umtimba wakho, ukhona lapha. Mkhulu nje kusihlwa njengoba Bekahlala anjalo. Ungu Nkulunkulu. Angeke aze abengaphansi futsi achubeke abesolo anguNkulunkulu, kuphela nje uma AnguNkulunkulu.

¹⁵⁹ Wena utsi, “Ngabe liciniso lelo, Mnaketfu Branham? Ngabe lowo ngumBhalo?”

¹⁶⁰ EmaHebheru 13:8, “Jesu Khristu longuye itolo, namuhla, naphakadze.” Ya. Uyafana.

¹⁶¹ Ngako yini lefanele kuba sicelo setfu kusihlwa, uMnaketfu Groomer, uMnaketfu Noel? Yini sicelo setfu? Vusa Jesu. Uma kunenkhatsato ndzawotonkhe, asi—asiMletse enkhundleni. Amen. Vusani Jesu, ngoba sinaYe ukanye natsi. Ukanye natsi, impela, Unguye, ngalokufanako nje njengoba Bekahlala anjalo. Bebalibonile nje Livi lemBhalo lelo Nkulunkulu lalikhuluma ngaYe, licinisekiswa nguYe. Kanjalo natsi silibonile.

¹⁶² Niyati, ngeluSuku lwePhentekhosti, Phetro, aphefumulelwé nguMoya loNgcwele, wema etulu lapho. Nebantfu bonkhe bekahleka, bahlekisa ngalawo Majuda lamancane langagcwala sandla ngephandle lapho, kungingita, nekukhafuna, nekuvuta tince, futsi batiphatsisa kwesicuku sebantfu labadzakiwe. Nalabobantfu labakhulu betenkholo beme lapho, batsi, “Ngani, lamadvodza agcwele liwayini lelisha.”

¹⁶³ NaPhetro wasukuma, futsi bahlabeka enhlitiywéni yabo ngesikhatsi beva leyo nshumayelo loyomshumayeli layishumayela. Walibeka phansi impela liVangeli. Watsi, “Nine madvodza aseJudiya, nani nine lenihlala ejerusalema, akwateke loku kini, futsi nilalele emavi ami. Laba abakadzakwa,

njengoba nicabanga, nibona kutsi leli kuseli-awa lesitsatfu lemini. Kodvwa loku...” “Mhlawumbe”? Cha. “Loku nguloko lokwakhulunywa ngumprofethi Joweli. ‘Kuyofezeka kutsi etinsukwini tekugcina, kusho Nkulunkulu, Ngiyotfululela uMoya wami etikwayo yonkhe inyama: etikwemadvodzana aMi netincekukati taMi netincekukati letitisebenti Ngiyotfulula uMoya waMi. Ngiyoveta timanga ezulwini ngetulu, nemlilo nentfutfu. Na—nasetikwe tincekukati taMi, futsi tiyoprofetha; nemadvodza lamadzala enu ayophupha emaphupho, netinsizwa tenu tiyobona imibono.” Ngabe kunjalo na?

Futsi batsi, “Yini lesingayenta ke? Singakutfola kanjani Loku?”

¹⁶⁴ Watsi, “Phendvukani, ngulowo nalowo wenu, futsi nibhabhatiswe eGameni laJesu Khristu kuko kutsetselelwa kwetono tenu, khona niyo kwemukeliswa siphwi saMoya loNgewe.” Futsi siyatjelwa ngulabanye kutsi loko kwakucedza. Kodvwa bona, loko yi...Uma bewungema lapho, loko bekungakucedza. Kodvwa chubeka, loko Lakusho. “Ngoba lesetsembiso senu, bantswana benu, nalabo labakashane, ngisho nabobonkhe labo iNkhosi Nkulunkulu wetfu leyobabita.”

¹⁶⁵ Ebusweni belive lelibandzako lelihlelo, siyafakaza kutsi lelo liCiniso. Amen. Uma leyoncenye yeLivi icinisile, konkhe lolokunye kwaLo kuliciniso. Ya. Bebabwubonile umBhalo ucinisekiswa nguYe. Siwubonile, natsi.

¹⁶⁶ Bekangesilukhuni kutsi abitele esigcawini sekwenta. Kulula kabi kuMbita. Mbukisiseni uma Efika emnyakatweni, noko. Nguloko lengikutsandzako, kuMbona Nakangena esicukwini sebantfu. Mbukisiseni Naka...

Batsi, “Nkhosi, siyahhubha.”

¹⁶⁷ Wahlikihla emehlo aKhe, watsi, “Nine bekukholwa lokuncane, ningabateleni? Anikaze nikubone konkhe lelengikwentile? Anikaze...Awukaze—awukafakazi yini umBhalo ngaMi? Yonkhe imiBhalo ikhombe kiMi. Futsi nitsite, sonkhe lesikhatsi, beniNgikholwa. ‘Yebo, Nkhosi, siyaKukholwa. Sitokwenta loku, lokwa, noma lolokunye.’ Futsi uma lenkhatsato lencane seyivela, khona-ke nako ushona.”

¹⁶⁸ Akusitsi yini labo namuhla? Impela ngitsi. Kunjalo. Ya. “Nitsite niyaNgikholwa, kodvwa anikakwenti ngani? Nikungabateleni?”

¹⁶⁹ Wesifazane watsi kimi, esikhatsini lesitsite lesendlulile. Ngingahle kube ngi re... washo kutsi lapha ngalesinye sikhatsi. Kutobita kuphindvwa. UyiSayensi yebuKhristu. Futsi watsi, “Mnaketfu Branham, ngi—ngiyakutfokotela kuphawula kwakho lokushoko ngemBhalo. Kodvwa,” watsi, “kuneliphutsa linye nje lonalo.”

¹⁷⁰ Ngatsi, “Ngiyabonga. Linye nje? Hhe!” Ngatsi, “Impela nginemusa ebusweni bakho.”

¹⁷¹ Futsi watsi, “Leliphutsa leli likutsi, kutsi, uchosha kakhulu ngaJesu.”

¹⁷² Ngatsi, “O, hhe!” Ngatsi, “Uma lelo ngulonaphutsa kuphela lenginalo, ngiyetsema Nkulunkulu uyativela—uyativela kutsi ngineliphutsa linye kuphela uma ngifika lapho. Futsi uma kungulelo kuphela, ngineliciniso kutsi ngiyangena.” Ngatsi, “Kube benginetilwimi letitinkhulungwane letilishumi, bengingeke ngichoshe nga Ye ngalokwenele. Akunandzaba kutsi bengingatsini, bengingeke ngichoshe nga Ye ngalokwenele.”

¹⁷³ Watsi, “Kodvwa, Mnaketfu Branham, uMenta abe ngulo nebuNkulunkulu. Umenta Nkulunkulu.”

¹⁷⁴ Ngatsi, “Bekanguye, futsi Unguye. Futsi kube Bekangesuye, Bekangumkhohlisi lomkhulu kunabo bonkhe live lelake laba naye.” Kunjalo.

Watsi, “O! Unga . . .”

Ngatsi, “Awukukholwa loko?”

¹⁷⁵ Watsi, “O, Mnumz. Branham, ngikholwa kutsi Bekanguthishela.” Futsi watsi, “Ngiyakholwa kutsi Bekangumprofethi, kodvwa nje Bekangumprofethi losobala njengabo bonkhe labanye babo.”

Ngatsi, “O, hhe! O! Uneliphutsa kakhulu.”

Watsi, “Ngitokufakazela kuwe.”

Ngatsi, “Kanjani?”

¹⁷⁶ Watsi, “EmiBhalweni, ngesikhatsi Lazaru . . . Johane loNgewe, sahluko 11, ngesikhatsi Lazaru afu, liBhayibheli lasho, kutsi, ‘Jesu wakhala.’” Wase utsi, “Bekangaba kanjani Ngulo nebuNkulunkulu kepha akhale?”

¹⁷⁷ Ngatsi, “Leyo kwaku yiNcenye yeMuntfu lebeyikhala. Lowo kwaku nguloMuntfu. Incenye lengafi yayingekhatsi. Lowo kwaku nguNkulunkulu kuYe.”

Watsi, “A, uyabhedza!”

¹⁷⁸ Ngatsi, “Ngifuna kukubuta lokutsite. Ngesikhatsi, ngalobo busuku asemkhunjini, Beka nguMuntfu acambalele lapho, alele. Liciniso lelo. Bekalele futsi akhatsele, njengemuntfu. Kodvwa ngesikhatsi Sekabeka lunyawo lwaKhe etikwentsambo yesikebhe futsi atsi, ‘Kuthula, thula utsi dvu,’ nemimoya nemagagasi kwaMlalela. Angahle kube beka nguMuntfu, akhala, kodvwa ngesikhatsi Atsi, ‘Lazaru, phuma,’ nemuntfu lobekafe tinsuku letine weta kuko. Beka nguMuntfu ngesikhatsi Ehla avela entsaben, alambele lokutsite langakudla, wabuka esihlahleni; kodvwa ngesikhatsi Atsatsa imicatsane lesihlanu, naletimbili, wondla tinkhulungwane letisihlanu, lowo kwaku nguMdali.” Kunjalo. Impela.

¹⁷⁹ Emnyakatweni, Nkulunkulu anyakata! O, ngiyakutsandza loko! Hhayi sithico lesitsite, hhayi umcabango lotsite loyinganekwane lotsite wekuhlikihla sitfombe lesibatiwe, hhayi sigcobo lesitsite semsimeto, kodvwa yena mbamba, Nkulunkulu lophilako asemnyakatweni. Amen. Amen. Hhayi intfo leyayikhona. Intfo letsite lekhona khona manje. Kuvakala kubulima, eveni. Kodvwa, o, kungumusa kanjani, kulongewelee lokukholwako. Kumangalisa kanjani pho! Impela. Unguye itolo, namuhla, naphakadze.

¹⁸⁰ Niyati, Bekangetulu kwemprofethi, kepha noko Beka ngumProfethi. BekanguNkulunkulu-mProfethi. Niyabona na? Ngoba, baprofethi bekaLivi. LiBhayibheli latsi Livi leta kumprofethi, futsi kuphela nje uma umprofethi akhulumma Livi, kutsi yena naNkulunkulu beka...Lendvodza yayingati kutsi yayentani. Yayikhuluma nje Livi laNkulunkulu. Niyabona na? Angati kutsi bekentani, bekaprofetha ngaphansi kweku phefumulelwa. Niyabona na? Khona-ke, kwakungesilo livi lemuntfu. Kwaku nguNkulunkulu akhuluma ngetindzebe.

¹⁸¹ Manje, Nkulunkulu wakhetsa kusebentisa umuntfu. Manje, Bekangakhetsa kusebentisa lilanga kushumayela liVangeli. Bekangakhetsa kusebentisa umoya kushumayela liVangeli. Bekangakhetsa tinkhanyeti. Bekangakhetsa nomayini Lebekafuna kuyikhetsa, kodvwa Wakhetsa umuntfu.

¹⁸² Futsi lotsite utokwenta. Kunjalo, lomunye umuntfu. Uma nje Bekangake aTitfolele umuntfu, umuntfu munye Langamtfola esandleni saKhe, Uyokwenta. Ube nesikhatsi lesimatima sibili, kutfola indvodza yinye.

¹⁸³ Ngicabanga ngaSamsoni. Watfola indvodza lenencumbi yemandla. NaSamsoni anikele ngemandla akhe kuNkulunkulu, kodvwa akanikelanga ngenhlitiyo yakhe. Wanikela ngaloko kuDelila. Niyabona na?

¹⁸⁴ Nkulunkulu ufunu inhlitiyo yakho, emandla, umphefumulo, umtimba, umcondvo, konkhe lonako. Nguyona ndlela kuphela Langa kusebentisa ngayo, asebentise wonkhe umuntfu. Yebo.

¹⁸⁵ Nguloko Jesu lebekangiko. “KuYe kwakuhlala kugcwala kwebuNkulunkulu ngekwemtimba.” SinaKo ngesilinganiso.

¹⁸⁶ Ngoba, ngesikhatsi leyoNsika yeMlilo yehla ePhentekhosti, niyacaphela, liBhayibheli latsi, “Tilimi letehlukene njengeMlilo tahlala etikwabo.” Kwakuyini na? LeyoNsika yeMlilo itehlukanisa Yona, futsi itehlukanisa Yona emkhatsini webantfu baYo. Intfo lenemusa kanje pho! Niyabona na? Nkulunkulu kuwe? Niyabona na? Nkulunkulu akubantfu baKhe. Manje caphelani.

¹⁸⁷ Lomunye utsi manje, ebandleni kusihlwa, angasho loku. Bantfu namuhla, kube bebangatsi, “Kube kuphela besingati kutsi Ulapha kanye natsi. Ngabe ikhona yini indlela yekwati?”

¹⁸⁸ Niyabona, beba ngaMbuka. Manje, lalelisisani manje, ngaphambi kwekutsi sibite lilayini lala bakhulekelwako. bebangaMbuka futsi batsi, “*Nango Alele, esikebheni. Manje, Ulapho.*”

¹⁸⁹ Manje, kube besinendlela letsite kwenta intfo lenjengaley. Kube nje besingaMbuka ndzawanatsite, besingatsi, “*Nango ke Yena, khona lapho.*”

¹⁹⁰ Manje, kodvwa Usondzele kangako. Usondzele kakhulu futsi. “Ngoba Ngitawuba nani, ngibe ngisho nakini, kute kube sekupheleni kwemhlaba.” Ngabe loko akunjalo na? Usondzele kakhulu kunaloko Lebekangiko kubo, ngoba bebafanele bahambe bawele e—emngcengcemeni wesikebhe, futsi lemuva ngemuva, futsi baMvuse. Awudzingi kutsi wente loko. O, hhe! Whuu! O! Ngitiva ngigewala lukholo khona manje. Ngicala kutiva ngikahle impela, njengamanje. O!

¹⁹¹ EmaHebheru 13:8 atsi, “Unguye itolo, namuhla, naphakadze.” Futsi Washo futsi, “Bhekani, Nginani njalo, kuze kube sekupheleni, sikhatsi sakusihlwa.” Ngishumayele itolo ebusuku. “Ngesikhatsi sakusihlwa, ngiyobe ngisekhona lapho.” Futsi, “Angiyoze nginishiye. Akunandzaba kutsi sikebhe sentani, kutsi sigudlutela kangakanani nekugicika letikwentako, nomayini lenye, Ngitawuba nani, ngibe nani kute kube sesikhatsini sekugcina, nginganishiyi.”

Wena utsi, “Loku kungenteka kanjani, Mnaketfu Branham?”

¹⁹² Johane loNgewe, sahluko se 12 . . . sahluko se 14, livesi le 12, lasho kutsi Utokufakazela. Niyabona na? “Loyo lokholwa ngiMi, lemisebenti lengiyentako Mine naye utoyenta.”

¹⁹³ Wena utsi, “Ngifisa kwangatsi bewungakufakazela futsi ungikhombise kutsi Usenguye nje njengoba Bekahlala anjalo. Kube bewu ngakufakazela kimi!”

¹⁹⁴ Yebo-ke, *naku lapho Aphonsela khona insayeya, lobufakazi. “Loyo lokholwa ngiMi, letintfo leNgitentako.”* Ngalamanye emagama, uyoba nguMesiya lomncane, Mesiyanyana. Kunjaio impela. Ngoba uma kuPhila kwaKhe kukuwe, akusuwe; nguYe. Niyabona na? Futsi nimiselwe kuchuba umsebenti waKhe. “Loyo lokholwa ngiMi, Ngitofakaza kutsi NginguMesiya. Futsi loyo lokholwa ngiMi uyokwenta intfo lefanako.” Manje, loko, Angeke acambe emanga futsi abe nguloko locabanga kutsi Ungiko, naloko lengikwatiko kutsi Ungiko, futsi ukholwe kutsi Ungiko, futsi. Niyabona na?

¹⁹⁵ Niyati kutsi Wentani na? Ulapha kusihlwa, ulindzele kufakazelwa. Kunjalo. Niyati kutsi sifanele senteni na? Sifanele sente njengoba benta. Sivuse Jesu lokitsi. Sivuse Jesu etimphilwesi tefu: loNkulunkulu lowavutsisa imiphefumulo yetfu ngaMoya loNgcwele; loNkulunkulu lowatsatsa lamehlo ami laphumphutsekile, wawavula; loNkulunkulu lowangivusa

embhedzeni wekufa. LoNkulunkulu lengimbonile abuyisa labafile, emvakwekuba sebafe ema-awa; dokotela wamemetela kutsi “bafile,” futsi wabhala sitatimende kuko, tikhatsi letisihlanu letehlukene. Vusa lowo Nkulunkulu. Mvuse Yena. Sifanele sibite Jesu futsi siMvuse, futsi siMbite enkhundleni. SiyaMdzinga. Yebo, mnumzane.

¹⁹⁶ Khona-ke, Mbite, kutsi acinise Livi laKhe. Uma siMvusa, simente Anyakatisike, ngekhatsi kitsi, kuze kungabata kwakho nekukhahlabeteka kwendlule. Manje Mbite futsi utsi, “Nkhosi, Wetsembisa, sikhashana nje nelive lingeke lisaNgibona. Futsi angisuye walelive. Uthandazile kutsi ngingeke ngibe walelive, futsi angisuye walelive. NgowiKho. Futsi Watsi, ‘Live lingeke lisaNgibona, kepha noko nine nitoNgibona.’ Uh-huh. ‘Nitongibona.’ Nkhosi, ngifuna kuKuphatamisa. Ngifuna kuphaphamisa Wena, emtimbeni wami lucobo lolele, inhlitiyo yami lucobo lelele, yalamaciniso lawa.” Vusa Jesu. “Wotani kimi.” Khona-ke kungabata nekwesaba kutophela.

¹⁹⁷ Tonkhe tingcaki nekukhatsateka, ngekutsi, “O, dokotela ushitloku, nekutsi utokwenta loku. Futsi a—a—angati kutsi ngitokwentani. Ngi—ngi...” Kutophela nje konkhe, ngoba UnguNkulunkulu. Uyakhulum, nayoyonkhe lenye intfo ithula dvu.

¹⁹⁸ Manje, besingachubeka nekukhulum, nalamanengana emakhasi emanotsi. Kodvwa ake nginibute lokutsite manje, ngoba sekucishe impela, cishe sekuyimizuzu lelishumi kube yinsimbi yemfica. Kusobala, loko kusesenesikhatsi sema-awa lamabili kunebusuku bayitolo, niyati, futsi. Kodvwa, bukani, ake ngisho loku, kuma khona manje, futsi ngingakucedzela loku ngalesinye sikhatsi.

¹⁹⁹ Ngabe Nkulunkulu angehluleka yini? [Libandla litsi, “Cha.”—Umhl.] Kanjalo futsi angeke neLivi laKhe, ngoba ULivi laKhe. “Ekucaleni bekakhona Livi, naLivi beka kuNkulunkulu, naLivi beka nguNkulunkulu. NaLivi waba yinyama wakha emkhatsini wetfu.” “Kusesikhashana nje nelive lingeke lisaNgibona, noko nine nitoNgibona. Ngoba Ngi...” Futsi Ngi usabito selucobo. “Ngitawuba nani, ngibe ngisho nakini, kute kube sekupheleni kwekupheleliswa, kuphela kwasikhatsi. Esikhatsini sekugcina, ngiyoba lapho.” KuKhanya kuyobe kukhanya esikhatsini sekugcina.

²⁰⁰ “Unguye itolo, namuhla, naphakadze.” EmaHebheru 13:8 kubhaliwe. Niyakukholwa loko? EmaHebheru 13:8, kubhaliwe. Ngako, uma kubhaliwe, manje akwentiwe. Amen. Ningesabi kubeka Livi laKhe ekuvivinyweni. Kulapho. Ulapha. Intfo kuphela lenidzinga kuyenta kuMvusa. Nine...

²⁰¹ Siphefumula lokunengi kakhulu kwemoya longakasefwa, lokunengi kangako kusibangela kutsi sitame kukhumbula lenye intfo letsite, futsi ugucukele ekutseni, “Ngikhatsele.

Ngi—ngikhandleke kakhulu. Ngikubonile *loku kwenta*.” Ukhombelani kulokunye lokushayisile? “Ngitokuyisa e...” Watsi, “Ngati umuntfu lotsite, lowetsema Nkulunkulu, futsi wafa.”²⁰²

²⁰² Ngati tigidzi, ngesikhatsi lesifanako, letafa ngaphansi kwekunakekela kwabodokotela. Niyabona na? Impela. Impela. Uma dokotela ente konkhe langakwenta, awunalutto lolunye ngaphandle kwekutsi wetsembe Nkulunkulu, futsi uma utokukholwa.

²⁰³ Manje, ungeke nje utsi, “Yebo-ke, ngi—ngitoMetsema.” Loko akusiko. Loko kutsi, impela kwente. Loko akusiko.

²⁰⁴ Ufanele uMphatamise, uze uMbone angena. Ngabe imikhuleko yetfu ayina kuMphatamisa yini? Ngabe imikhuleko yetfu ayina kuMvusa yini ekuphumuleni kwaYo, iMletse enkhundleni na? Bakwenta. Bamemeta, “Nkhosi, siyabhubha,” futsi Wangena enkhundleni. Manje singenta intfo lefanako. Manje, niyakukholwa loko?

Khona-ke asikhuleke.

²⁰⁵ O Nkhosi, lomcabango lomncane lolula, “Vusa Jesu.” Nkhosi, asi—asikawusebentisi uMoya waKhe nekukholwa kwaKhe, sikhatsi lesidze kakhulu, kuze kube ngulapho kuya ekulaleni, njengoba kwakunjalo, emiphefumulweni yetfu. Asititsintse kusihlwa. Asesitivuseni tsine futsi sisuse kulala kwetfu kukhweshe kitsi, kute sikhone kutobona kutsi Usese lasikebheni.

²⁰⁶ O Nkhosi, namuhla ngitamile kunyakatisa umphefumulo wami. Bengati kutsi ngidzingeke ngime embikwe licembu lelincane lebantfu etulu lapha kusihlwa. Futsi ngatinyakatisa. Nkhosi Jesu, vuka, uvele. Ngibeke Livi laKho embikwebantfu. Liletfaa ekuvivinyeni. Fakaza kuletetsameli leti kusihlwa, Nkhosi, kutsi Usaphila, kutsi Usekhona lapha natsi. EMavi akho aliciniso, “Nginani njalo, kuze kube sekupheleni kwemhlaba.” Unguye itolo, namuhla, naphakadze. Usasolo ulamkhunjini, Nkhosi, umkhumbi lomdzala waseZiyoni lositfwala usewetele ngesheya kwetilwandle letinyakatisiwe. Futsi uma develi atsanyela siphepho phansi etikwetfu, kwenta mehluko muni, kuphela nje uma Yena asesemkhunjini? Bani natsi manje, Babe. Futsi kwangatsi Ungahamba ungene ngco etinhliitywени tebantfu kusihlwa.

²⁰⁷ Kwangatsi Ungahamba ungene enhlitiyweni yami, umphefumulo, umtimba, umcondvo, emehlo, tindzebe. Futsi akutsi lokunikelwa loku, kwami lucobo, kube kuciniswa kweLivi laKho, kutsi Wetsembisa kuJohane loNgewe 14:12. “Loyo lokholwa ngiMi, lemisebenti lengiyentako Mine nani nitoyenta.”

²⁰⁸ Khona-ke kwangatsi kungabanjalo, kuye kuletetsameli, kute bakukholwe ngalendlela, “Kusesikhashana nje nelive lingekie lisaNgibona, noko nine nitoNgibona.” Futsi uma sihleti

kulendzawo yaseZulwini kusihlwa, kuKhristu Jesu, tibonakalise Wena lucobo, Nkhosi. Setsembiso saKho. Emavi akho angeke ehluleke. Futsi-ke, kusobala, khona-ke akube setikwetisekelo tekukholwa kwebantfu, kutsi banga Kwemukela ke. Nguloko kuphela lesingakwenta.

²⁰⁹ Ngiyakhuleka, Nkulunkulu, kutsi Utotitfolela inkhatimulo ite kuWe lucobo. Nginikela letetsameli leti, loMlayeto, leMbewu leseyihlanyeliwe. Kwangatsi Moya loyiNgcwele angangena, akhanye kukhanya kwaKhe. Njengoba ngishito embewini yaloyo wesifazane lomncane waseSamariya; kwangatsi, ngekushesha, masinyane nje kuKhanya kungamanyata, kwangatsi likholwa lingakubona. Kwangatsi indvodza legulako ingakubona, lowesifazane logulako, umfana, noma intfombatane. Nalabo labafisela labanye, kwangatsi bangaKubona, masinyane, futsi baphiliswe. EGameni laJesu. Amen.

Seniyakholwa manje?

²¹⁰ Manje, ngiyakholwa...Emakhadi ekukhulekelwa? Yebo-ke, ngitowetama. Ngingeke ngikhone kuletsa kodywa labambalwa nje ngesikhatsi, ngako asicale kubaletsa, labanye bantfu, kubakhulekela. Futsi manje ngiyati kutsi kuminyetelene impela.

²¹¹ Hlalani nthule nje, bomnaketfu lababafundisi. Ngitodedela khona lapha, ngeyame kuko. Tsatsani indzawo yenu—yenu lapha. Kulungile.

²¹² Manje, ungangabati. Kholwa. Utokwenta loko na? “Konkhe kungenteka kulabo labakholwako.” Kunjalo. “Konkhe kungenteka kulabo labakholwako.” Kulungile. Manje, ufanele ukholwe. Ufanele ulikholve Livi laNkulunkulu kutsi liliCiniso. Kulungile. Manje asi... .

²¹³ Bangakhi lesinga basukumisa lapha ngesikhatsi, cishe labasiphohlongo, lishumi? Kulungile.

²¹⁴ Asicale enombolweni yekucala, futsi sitfole inombolo yekucala kuya cishe kulelishumi noma lishumi nesihlanu, A. A, wekucala kuya eshumini nesihlanu. Ngubani lonelikhadi lekukhulekelwa A, wekucala?

²¹⁵ Ngiyabona kunalababili beSpanishi neliNdiya lapha kusihlwa. Bangahle bangakhoni kukucondza.

²¹⁶ Kulungile, naku kuta wesifazane munye, khona ngalapha. Wesibili? Khona lapha. Uh-huh. Khona ngephandle *lapha*. Ya. Khona lapha. Kulungile. Wesibili. Wesitsatfu, wesitsatfu? Kulungile, khona *ngalapha*, uma nitsandza. Lesine, lesihlanu, lesitfupha, lesikhombisa, lesiphohlongo? Lomunye akatsatsate lomfana lomncane lapho, kute anganyatseleki. Siphohlongo, lemifica, lishumi. Manje, cishe lishumi. Kulungile. Siyabona kutsi sitsi kanjani ku...O, tsine si...Angati. Ngingahle—ningahle ngibe nalabanengi kakhulu manje. Kulungile.

Lishumi. Loko kulungile. Abalayne kahle kanjalo. Loko kukahle.

²¹⁷ Bangakhi lokholwako manje ngayo yonkhe inhlitiyo yenu? Manje, asinabo labanengi kakhulu lapha, lishumi. Lishumi nakunye, lishumi nakubili, lishumi nakutsatfu, lishumi nakune, lishumi nesihlanu. Kulungile.

²¹⁸ Manje, wonkhe umuntfu, ngifuna nihloniphe ngekutitfoba sibili. Manje, bengisolo ngise-aweni ngco, noma kancnywana, ngikhuluma. Loko lengikushoko akusho lutfo ngaphandle uma Nkulunkulu akwesekela. Futsi uma Angakwesekeli, niyabona, lisasolo Livi licinisile, ya, akunandzaba kutsi Uyakwenta noma cha. Ukwentile phambilini, niyabona, futsi Akakaze ehluleke kimi. Futsi ngi—ngiyati kutsi Angeke akwente, ngoba Watsi Angeke akwente. Niyabona na? Futsi ngi—ngiyati kutsi Utokwenta. Kodvwa sifanele sikukholwe. Ngato tonkhe tinhltiyo tetfu, sifanele sikholwe. Manje, ngekwati kwami . . .

²¹⁹ Ngifuna nine lenila layinini lala bakhulekelwako, bukani ngalapha, kutsi konkhe kutoba yini lalayinini lala bakhulekelwako. Ngi—ngikhulwa kutsi bonkhe babo batihambi kimi. Ngikhulwa kutsi bonkhe batihambi. Uma loko kunjalo wena, phakamisa sandla sakho nje. Uma nginganati nonkhe, phakamisani tandla tenu *kanjalo* nje. Kulungile. Niyabona na? Manje, angibati labobantfu. Bona, abasibanengi lapha . . .

²²⁰ Ngiyati labanye lapha kulamalayini lawa khona ngephandle *lapha*. Angina sciniseko. Ngicabanga kutsi lona ngumka Mnaketfu Noel. Anginasiciniseko. Sekusikhatsi lesidze.

²²¹ Futsi ngako unjani uMnaketfu Johnson? Ngicabanga kutsi ushaywe sitrokhi, akanjalo na? O, hhe! Utsini ke? Ngabe kunjalo? Ayibusiswe inhlitiyo yakhe. Labobantfu beba njengababe namake kimi, ngesikhatsi kwekucala ngicala emhlanganweni, lelicembu lelincane lebantfu base-Arkansas. Angiyuze ngiyikhohlwe i-Arkansas. Cha, mnumzane. Angikaze ngibe semhlanganweni nomakuphi, ngaphandle uma kunencumbi yema “Arkies.” Bangakhi lolapha kusihlwa, phakamisani tandla tenu, lenisuka e-Arkansas? Manje, bonkhe labanye babo uvela e-Oklahoma, ngako nje ungakhona kutsembela kuloko. Niyabona na? Kuhamba ngaleyondlela ke. Kodvwa sonkhe siphikelele eZulwini, niyabona, “sihleti ndzawonye etindzaweni tasezulwini kuKhristu Jesu.”

²²² Dzadze Jones neMnaketfu Jones, eminyakeni leyendlula ngesikhatsi ngifikasi ebandleni lakho, ngikhulwa kutsi kwakuyi Moark. Kwakungesiyo na? Futsi niyakhumbula ngesikhatsi ngifikasi lapho, indlela lekuphela lebengati ngayo kutfola inkhatsato yebantfu kwaku nge . . . Bewubaholela etulu ngembili futsi babeke sandla sabo kusami, bese-ke ngilindza lapho umzuzu nje. Bese-ke, ngingatami kusebentisa liphimbo lami lucobo, bese Uyakhuluma, atsi, “Simila, ludvwadviasi.” Futsi

nganitjela kutsi kuyofika sikhatsi kutsi, Wangitjela etulu lapho, uma ngiyobacotfo, khona-ke ngiyokwati yona kanye imfihlo yenhlitiyo yabo. Niyabona na? Kunjalo. Bangakhi lokukhumbulako loko ngesikhatsi ngicala kufika ePhoenix? [Libandla litsi, “Amen.”—Umhl.] Kulungile. Ngabe kwentekile? [“Amen.”] Niyabona na?

²²³ Manje, khumbulanji. Bukisisani letheyiphu lena. Senyuka siya etulu kakhudlwanyana manje. Niyabona na? Kutochubeka njalo, kutsi kuphakama kancane. Kukhumbuleni. Khumbulanji nje—nje. Niyabona na?

²²⁴ Manje, sifuna kubona Jesu. Ngifuna kuMbona. Manje, siyati kutsi umtimba waKhe ungeke ubuyebe emhlabeni aze Efikele liBandla, ngoba ufanele ahlale Lapho kute kube ngumhlatjelo. Ngabe kunjalo na? Kufanele kube se-altari. Uhleti esiHlalweni sebukhosи saNkulunkulu, kusihlwa. Futsi ufanele kuhlala lapho, ngoba, ngemivimba yaKhe, UngoMhlatjelo, neMhlatjelo use-altari. Niyabona na? Nemtimba waKhe ungeke ute. Kodvwa kuphila kwaKhe kwabuya, loko lokwa kukuKhristu, kwabuya etikwelibandla, ngesimo saMoya loyiNgcwele. NaMoya loyiNgcwele . . .

²²⁵ Kwakungesiwo lowomtimba lowakwenta, empeleni. Watsi, “AkusiMi lowenta lemisebenti. NguBabe waMi lohlala kiMi, Wenta lemisebenti.” Manje, siyakukholwa loko, akunjalo na?

²²⁶ Manje, kube benginitjеле kutsi umoya waboguluva ukimi, benito ngilindzela kutsi ngibenetihamu letinkhulu, futsi ngibeluhlata. Niyabona na? Umoya wemdvwеби, benitolindzela kutsi ngitsatse libhulashi napende.

²²⁷ Uma nginitjela kutsi, “uMoya waKhristu,” khona-ke kutokwenta imisebenti yaKhristu. “Loyo lokholwa ngiMi, lemisebenti leNgiyentako . . .” Njengekukhipha kuphila nje emvinini munye kungene kulomunye, uyotsela si—sitselo sekuphila lesisemvinini.

²²⁸ Manje, angati kutsi Utokwenta yini loku. Ngingeke ngakusho. Kodvwa uma mine, ngesiphiwo . . . Manje, asikho sidzingo sekutama kusichaza. Ngingeke.

²²⁹ Kodvwa labanengi benu bayati kutsi ngiye emhlabeni jikelele, bengikadze ngingale, tikhatsi letinengana. Embikwebantfu labanguhhafu wesigidzi, ngasikhatsi sinye, bantfu labatinkhulgwane letingemakhulu lasihlanu. Niyabona tilwimi letinengi letehlukene, bekubita kutsi ngibhale phansi lengikushito, kutsi ngilindze kuze kwendlule kubatoligi labalishumi nesihlanu, bese ngibuyela kulentfo lengiyishito. Futsi ubone lowoMoya waNkulunkulu wehlela ngco lapho futsi wente intfo lefanako nje loyentako lapha. Niyabona na? Niyabona na? Tonkhe tive, tilwimi, ngaphandle kwekutilandvulela.

²³⁰ Manje, khumbulani, ngeke kuye kuwo wonkhe umuntfu. Ngesikhatsi Jesu asesemhlabeni, akukho ngetulu kwakunye kulokutsatfu kwesive semaJuda lesake sati kutsi Bekasemhlabeni. Niyakwati loko. Uta kulabaKhetsiwe, futsi baKwemukela. Kunjalo. Uya lapho-ke uMoya kusihlwa, kulabaKhetsiwe.

²³¹ Manje, uma ungakholwa kutsi Jesu wafela tono takho, futsi waMemukela njengeMsindzisi wakho, futsi Watsatsa imphilo yakho futsi waphindza wayilungisa phindze, ke, khumbula, "Ngemivimba yaKhe siphilisiwe tsine." Niyabona na? Manje, waphiliswa. Sewuvele upholisiwe. Niyakukholwa loko na? Manje, liBhayibheli latsi, "Saphiliswa." Ngabe kunjalo na? Hhaji kutsi "sitawuphiliswa." Tsine, sesivele. Sesivele, empeleni.

²³² Wonkhe umbuto wesono wacatululwa ngesikhatsi Jesu afa eKhalvari. Uyakukholwa loko, mnaketfu? Uyabona? "UliWundlu laNkulunkulu lelisusa tono telive." Manje, angeke kukusite ngalutfo ute wemukele kucolelwa kwakho. Niyabona, ufanele ukwemukele. Futsi ufanele wemukele kuphiliswa kwakho ngendlela lefanako.

²³³ Uma umuntfu lotsite eta lapha, atsi, "Ngitokuphilisa," manje, uneliphutsa. Loko kuphambene nemBhalo. Angakukhombisa lapha la Jesu akwentele khona, futsi kuncike ekukholweni kwakho. Nkulunkulu angeke ente lutfo... Nkulunkulu angeke asebente ngalokumelene nekukholwa kwakho. Wena ufanele ukukholwe.

²³⁴ Manje, Jesu, ngesikhatsi Efika kubantfu baKhe lucobo, lalelani kutsi liBhayibheli latsini. "Imisebenti leminengi yemandla Akayentanga, ngenga yekungakholwa kwabo," emvakwekuba sekatikhombisile Yena kutsi unguMesiya. Manje, Wakufakazela ngalolosuku, BekanguMesiya.

²³⁵ Kwangatsi Nkulunkulu angangisita kutsi ngitfobise umoya wami kangangoba ngingafakazela kutsi Usenguye Mesiya; kutsi, loNkulunkulu lofanako lobe kasemhlabeni, angatsatsa u—umtimba lofako, lonikelwe kuYe, futsi asebente ngawo impela ngendlela Letsembisa kwenta ngayo. Bekungeke yini loko kwenelise na? Bekungeke yini loko kukhombise kutsi A—Akalali na? Uvukile. Ulungele wena kutsi uMbitele emnyakatweni.

²³⁶ Manje kutsiwani ngami ngime lapha, kusihlwa, ngifanele ngentenjani? Kunebantu labalikhulu nemashumi lasihlanu lapha, ngiyacabanga, intfo lefana naleyo. Noma ngabe likhulu nemashumi lasihlanu, noma ngumuntfu munye—munye, beku tinkhulungwane leti ngemakhulu lasihlanu, akwenti mehluko. Kuyafana nje. Niyabona na?

²³⁷ Manje, uma nomangubani acabanga kutsi loku kuyintfo mbumbulu, futsi akukalungi, ngicela ukhuphuke futsi utsatse indzawo yami futsi wente intfo lefanako. Uh-huh. Ya. Niyabona

na? Wati kancono kunekutama loko. Uh-huh. Niyabona na? Caphelani. Kodvwa, manje, Nkulunkulu utofanele afakaze kutsi Ucinisile yini noma cha. Manje, uma iNkhosi Nkulunkulu . . .

²³⁸ Ngabe ngulona we . . . Nika loyamfana likhadi lako lapho. Wota lapha. Nangu dzadze, lomncane kunami. Angikaze ngimbone emphilweni yami. Ngicabanga kutsi sitihambi kulomunye nalomunye? Kunjalo. Asatani.

²³⁹ Manje, uma uya ekhaya, ufundze Johane loNgcwele, sahluko 4, futsi uyatfola kutsi lena akusiyo yini ngisho indzawo lencane leyindingilizi . . . Noma ngubani loke waba sePhalestina, etulu lapho e—eSikhari? Lowomtfombo lomncane usekhona lapho la lowo wesifazane bekakhona; indzawo lencane leyindingilizi, imivini kuwo. Futsi Jesu wahlala weyama lubondza ngesikhatsi lowesifazane eta. Bekeme endzaweni lencane leyimboniso ngesikhatsi lowesifazane avela esitaladini entasi lapha, wenyuka wase utfola emanti, ekupheleni kwesitaladi. Futsi wenyukela lapho. Futsi manje Wachubeka nengcogco yakhe waze Watfola lapho inkhatsato yakhe yayikhona, khona-ke Wamtjela kutsi beyiini inkhatsato yakhe.

²⁴⁰ Futsi ngesikhatsi Enta loko, watsi, masinyane, “Mnumzane, Ufanele kuba ngumprofethi, niyabona, ngoba Wena . . .” Bekafanele abene . . . Khona-ke uma Beka ngumprofethi, lelo kwakuLivi laNkulunkulu lita kuYe. Kodvwa watsi, “Siyati sibheke Mesiya. Futsi uma Efika, nguloko Latokwenta.” Bangakhi lowatiko kutsi lowo ngumBhalo? Lowo ngumBhalo.

²⁴¹ Manje, nasi sandla sami etikwe liBhayibheli. Mine, ngekwati kwami, angikaze ngimbone lowesifazane emphilweni yami. Futsi utsi sitihambi letiphelele kulomunye nalomunye. Manje, Livi kusekhatsi kwekutsi lifanele lilunge noma lingalungi. Kunjalo. Kusekhatsi kwekutsi kucinisile noma kuliphutsa. Singeke sikuwente nomayini leyehlukile.

²⁴² Manje, dzadze, kukhuluma nawe umzuzzwana nje, njengoba iNkhosi yetfu yenta kulowesifazane . . . Uma Ingangitjela . . .

²⁴³ Manje, kube bengingatsi kuwe, “O, kusobala, bewunelikhadi lekukhulekelwa. Yenyukela lapha. Uyagula.” Niyabona na? Yebo-ke, khona-ke uma bengingatsi, “Ludvumo kuNkulunkulu,” beka tandla tami etikwakho. “Ludvumo kuNkulunkulu, utosindza.” Kulungile, akukho luntfo lolungalungi ngaloko. Nguloko impela lokufanele kwentiwe. Niyabona na? Kunjalo.

²⁴⁴ LiBhayibheli latsi, “Babeka tandla etikwa labagulako, batosindza.” Liciniso lelo.

²⁴⁵ Kodvwa manje, bewungenwaya inhloko yakho futsi udadishe, “Ngabe ungitjеле kahle? Ngabe ngitosindza?”

²⁴⁶ Manje, uma-ke—uma iNtfo letsite leyati imphilo yakho, lobewusolo ungiyo, loko lokwentile, futsi, nomayini lengalungi

ngawe, njengoba Atjela lowo wesifazane kutsi kwakuyini inkhatsato yakhe? Futsi uma Angakutjela letotintfo, yebo-ke, impela uma Ati kutsi bekunjani, Uyati kutsi kuyobanjani. Ngabe kunjalo? Impela.

²⁴⁷ Manje, uma lowesifazane agula... Angahle kube umele lomunye umuntfu. Kungahle kube kugula. Kungahle kube yinkhatsato yetetimali. Kungahle kube yinkhatsato yetasekhaya. Angati. Ngingeke senginitjele. Liciniso lelo. Niyabona na? Kodvwa nomangabe kuyini, uma Bekangakusho, bekatokwati kutsi ngabe bekuliciniso noma cha. Bekatokwati. Uyati noma bekungiko noma cha. Bese-ke uma kuliphutsa, khona-ke lowo bekungesiwo uMoya waNkulunkulu, ngoba umprofethi ushito njalo, nesiprofetho sakhe besiliphutsa. Kodvwa uma kucinisile, khona-ke lowo kwakunguMoya waNkulunkulu. Niyabona na?

²⁴⁸ Manje bekungeke yini loko kusidvudvute futsi kusente sitivele sikahle kakhulu, uma sati kutsi Jesu bekalapha natsi kusihlwa? Kungakupha yini kukholwa? [Libandla litsi, "Amen."—Umhl.] Niyabona na? Impela.

²⁴⁹ Manje, kophilisa lowesifazane, bengingeke ngikwente. A—angeke ngikhone kwenta loko. Sekuvele kwentiwe. Niyabona na? Niyabona na? Sekwentiwe, futsi manje kwesekeleke ekukholweni kwakhe kutsi akukholwe. Manje, kube Bekeme lapha, cobolwaKhe, agcoke lesudu, Bekangeke amphilise. Bekayotsi Sewuvele ukwentile. "Uma ungakholwa, uyabona, kutsi ngikwentile, sekuphelile konkhe." Niyabona na? Nguloko-ke. Niyabona na?

²⁵⁰ Kodvwa, manje, intfo kuphela Lebekangayenta, Bekangafakaza kutsi Beka nguMesiya, noko, kutsi Nkulunkulu-mProfethi bekatofika. Futsi Wetsembisa kutsi bafundzi baKhe bayokwenta intfo lefanako, ngako nako laph'ukhona. Niyabona na? Kukubuyisela ngco emBhalweni. Futsi lowo ngumBhalo, bazalwane. Ngiyati kutsi konkhe kuphambene nenkholelo yesimanje, kodvwa kuyinkholelo yaNkulunkulu. Yindlela yaNkulunkulu, ngoba Washo njalo. Nango ke umBhalo wekutifundzela wena ngekwakho. Batama nje kukuntjikitisa bese benta lenye intfo ngako.

²⁵¹ Manje, ngifuna kunibuta lokutsite. Lowesifazane ulikholwa. Ngifuna ku...

²⁵² Kukhona lokutokwenteka. Khumbulani nje, kukhona lokutokwenteka. Manje, uma kwenta, khona-ke bangakhi laba tokwemukela futsi batsi, "Loko kwangicatululela kona"? Ungakukholwa loko, dzadze? Uyakukholwa, ngalapha ke? Nonkhe nine labanye niyakukholwa na? Nkulunkulu akabe lijaji.

²⁵³ Manje, njengoba nje ngisandza kusho loko, sizatfu ngishito loko. Bangakhi labake babona lokuKhanya, lesositfombe saloko

kuKhanya, leyoNgelosi yeNkhosi? George J. Lacy, niyati. Niyabona na? Kulungile. Loko kuKhanya kusemkhatsini ngco wakhe nami, manje. Futsi kuyemukela. Ngiyati kutsi ulikhola. Kunjalo.

²⁵⁴ Loko lofuna ngiku khulekelele kona: tilondza, tilondza emtimbeni wakho. Lenye intfo, kwelakanyana nje kwetifo. Unetintfo letinengi kakhulu. Kodvwa, awume kancane. Ngichumene nemoya wakho. Sewulungele kuhlindvwa. Kunjalo. Ulindzele kuhlindvwa. Manje, Utsite loko bekusenyongweni. Kunjalo. Manje ucabangani ke? Nkulunkulu akubusise. Kholwa nje. Nguloko-ke. Amen.

²⁵⁵ Akasuye yini Khristu? Manje buta lodzadze uma ufisa. Loko yi... Niyabona na?

²⁵⁶ Manje, lowo nguYe itolo, namuhla, naphakadze. Niyabona na? Kukholwa kwakho kuMvusile manje. Niyabona na? Ulankhundleni, kutsi ente tintfo kutsi anisite, kunibusissa, nekuninika letotintfo lenilangatelela kuba nato.

²⁵⁷ Manje, lowombono munye uncicedze emandla kakhulu kuna leyonthumayelo yeli-awa nehhafu. Niyabona na? Futsi utivele uchachatela nje, ukhwesha. Niyabona na? Ecinisweni, lesi sikhatsi sekucala kutsi ngibe nenkonzo...

²⁵⁸ Ngalolobunye busuku, Moya loyiNgcwele washaya, wawelela kulelinye libandla, ngiyati, futsi Wabita bantfu labatsatfu noma labane. Futsi ngesikhatsi akwenta, abasabelanga nje masinyane, wase-ke Uyadzabuka. Wesuka wahamba, niyabona, futsi wangishiya khona lapho. Ufanele—ufanele, ufanele uMphendvule. Yebo, mnumzane. Khumbula nje, Akabopheleki kuwe; nguwe lobophelelekile, kuYe.

²⁵⁹ Sitihambi lomunye kulomunye. [Lodzadze, utsi, "Ngikubonile kanye."—Umhl.] Wake wangibona. ["Yebo."] Lapha e-Arizona? ["Yebo. Bengi...?... elayinini lala bakhulekelwako."] Elayinini lala bakhulekelwako. Sekusikhatsi lesingakanani lesendlulile loko kwenteka na? ["Kusekhatsi kwekutsi kunga '54 noma nga '55."] Ya. Kadzeni. Yebo, mnumzane.

²⁶⁰ Ngiyakhumbula lilayini lala bakhulekelwako lelidze kunawo onkhe lengake ngaba nalo emphilweni yami, kwakusentasi lapha ePhoenix, ngalenyе intsambama. Ngale...

²⁶¹ Ngiyalikhohlwa ligama lalelobandla. Kwakune... Kwakuvamise kutsi, lomncane, umfo lomfishane bekanelibandla. Ngiyakhohlwa kutsi u... Libandla lelikhulukati, lapha ePhoenix. Ngabe bekunguFuller? Cha. UMnaketfu Fuller, ngiyamati. Utsini? Ngikhumbula Garcia. Kodvwa leli libandla lelikhulukati laphaya lapho Dkt. Sutton bekavamise kuba ngumfundisi khona, noma lokutsite. Kwakunguliphi ligama lalelobandla lelikhulu laphaya? Ngulelinye lemabandla lamakhulu kunawo onkhe eliVangeli

leligcwele eveni. [Lomunye umfo utsi, “Faulkner.”—Umhl.] Faulkner, ngulelo-ke. Ngulelo ke, Faulkner, ngale ebandleni lakhe.

²⁶² Niyalikhumbula lelo layini? Ngacala ngaley ntsambama, ngakhuleka kwaze kwabasekhatsi nebusuku ngalobo busuku, ngikholwa kutsi kwakungilo. Nje con... Kubeka tandla nje etikwebantfu, ngaba butsakatsaka kakhulu ngaze ngangabe ngisakhona ngisho kuhamba, nhlobo. Niyabona na?

²⁶³ Loko bekungaphambi kwekutsi kufike umbono. Wawutofika, kodvwa nje ngalokubekwe eceleni, manje nanini. Futsi ke ngalesinye sikhatsi ngesikhatsi ngiba ngimi, Utongitjela lokutsite lokutokwenteka. Bengita nginitjele konkhe loko Langitjele kutsi kukhona lokutokwenteka. Bekuhlala kwenteka, akuzange? Ya. Manje, Litsini na? “Kukholwe.” Nkulunkulu uyakucinisa. Niyabona na?

²⁶⁴ Manje, lodzadze, eminyakeni leminengi leyendlula, ngyiacabanga kutsi ngikhulekele bantfu labatigidzi letimbili nehhafu, noma mhlawumbe, kusukela lapho, niyati, emhlabeni jikelele. Kungahle kube ngetulu kwaloko. Kodvwa ngi—ngingeke ngati kutsi ngubani, ngani, noma lutfo ngako. Kodvwa manje liBhayibheli lasho, kutsi, ngalesinye sikhatsi...

²⁶⁵ Futsi, empeleni, lobobumnyama, lobebu setikwalowo wesifazane, sebumshiyile. Kunjalo. Uh-huh. Ngiyati. Nitiva nihlukile, anitiva na? Uma nje nibamba loko kukholwa, kubita loko kuphela. Manje, kugcwaliise ngenjabulo nekukholwa. Ngoba, kutobuya nalabasihlanu labanye, noma labasikhombissa labanye, lababi kakhulu. Niyabona na? Hlala lapho nje bese utsi, “Ngiyaholwa. Loko kwakucatulula.”

²⁶⁶ Manje, tsine njengoba sitihambi lomunye kulomunye, ngingasho nje, kubofakazi lababili. LiBhayibheli latsi, “Ngemlomo wabofakazi lababili, noma labatsatfu,” ngikholwa kutsi kwakungiko. Kwakungesiko na? “Bofakazi lababili noma labatsatfu, bofakazi labatsatfu, akutsi lonkhe livi liciniswe.”

²⁶⁷ Ngihlose kubeka sonkhe sikhatsi sami phansi lapha, uma ngingakhona, elayinini lekuphilisa. Ngako, angifuni kutsatsa lokunengi kakhulu ekuboneni lokufihlakele. Kute nje nati.

²⁶⁸ Empeleni, loyadzadze lohleti laphaya, anesiyeti. Singeke sisenteka kuwe futsi uma nje utokukholwa. Ngitjele kutsi utsintseni. Ngi—ngiyibonile leyondingilizi yekuKhanya lapha futsi iwelela ngco kulelokona. Ngimbonile lowesifazane abambe inhloko yakhe, *kanjena*, embonweni, aya emuva nasembili, *kanjalo*. Uh-huh. Niyabona na? Wenteni na? Utsintse sembatfo saKhe. Hhayi... LiBhayibheli lasho, kutsi, “UngumPhristi loMkhulu” (ngabe kunjalo na?) “lonekuvelana nebutakatsaka betfu.” Nguloko lakwentile lodzadze. Niyabona kutsi usabele masinyane kanjani? Kwentekile ke lapho. Niyabona na? Kholwa

nje. Manje, loko kufanele kukucatulule konkhe. Loko kukwenta kube liciniso.

²⁶⁹ Manje, niyabona kutsi kungani ngingagijimi ngehle ngelilayini. Ngitama nje kutibamba, kakhulu impela, ngoba ngifuna lelinye lilayini kusasa ebusuku. Kodvwa kutsi nje nibone kutsi Sewufikile enkhundleni. Lowo nguYe. Kungeke kube ngimi. Angikaze ngimbone lowo wesifazane emphilweni yami; angati lutfo ngaye. Niyabona na?

²⁷⁰ Kulula kakhulu nje, baze bantfu labakhulu labahlakaniphile namuhla bayendze ngetulu kwalobo bulula lobunjalo. Niyabona na? Kungalesosizatfu bakugeja. Batama kukucatulula. Ungeke wakucatulula. Kukholwe. Kukholwe nje.

²⁷¹ Lentfombatane yeliNdiya, lenetinhlungu tenhloko, uma nje ingakukholwa kutoyishiya, nayo. Angikaze ngimbone. Akasuye ngisho... Niyabona na? Niyabona na?

²⁷² Tsintsa Yena. Tsintsa Yena nje, kanye, futsi utfole kutsi akunjalo yini. Niyabona na?

²⁷³ Labobantfu batihambi. Buta lodzadze. Angikaze ngimbone emphilweni yami. Liciniso lelo, embikwa Nkulunkulu, njengoba ngake ngati. Niyabona na? Niyabona na? Ulankhundleni, uma ungaMkholwa. Kodvwa nje ungakungabati; kukholwe. Kutokwentela lokutsite uma utokukholwa. Utokuphilisa. Nonkhe ningaphiliswa uma nje nikukholwa.

²⁷⁴ Niyabona, naku kume wesifazane ngembili. NaMoya loyiNgewe uphumela lapho etetsamelini, upholisa bantfu, kukhombisa kutsi Ukuyo yonkhe indzawo, losetindzaweni tonkhe, lowati konkhe, nalonemandla onkhe. Amen. Ludvumo! Vusa Jesu, ngekhatsi kuwe. Akutsi Loyo longena kuwe, ngesimo saMoya loyiNgewe, ahambe ngawe.

²⁷⁵ Angikwati, kodvwa Nkulunkulu uyakwati. INkhosi Nkulunkulu ingembula kimi intfo loyitele lapha. Bewutongikhola, bewungeke na? Kulungile. Ngibuke. Ngicongconde ngaloko, njengaPhetro naJakobe, niyati, batsi, "Sibuke." Kutsi nje akutfole e...

²⁷⁶ Kuvela nje ndzawo tonkhe. Ngikhola kutsi kutobanenkonzo yekuphilisa mbamba emizuzwini lembalwa. Niyabona na? Niyabona na? Niyabona na?

²⁷⁷ Intfo yinye, emehlo akho ayakuhlupha. Ucise uphumphutseke. Imizwa emehlweni iyafa.

²⁷⁸ Kwekulala, ngikubamba loko, esikhatsini lesidze. Lomunye utsite, "Ukucombelele loko." Angikaze. Angikaze. Manje, khumbulani, ngibamba imicabango yenu lapha ngaMoya loyiNgewe.

²⁷⁹ Ake sibone uma ngikucagelile. Buka lapha, dzadze. Ulikholwa. Unenkhatsato ngesifuba sakho; umdlavuza, imidlavuza yesikhumba ngemuva kwentsamo. Manje,

uyakholwa kutsi Nkulunkulu utowususa? [Lodzadze utsi, “Yebo, mnnumzane.”—Umhl.] Uh-huh. Ufuna kubuyela emuva ngale eNew Mexico, lapho uvela khona, ukholwa kutsi Nkulunkulu ukuphilisile? Kulungile, Nkkt. Watkins, buyela emuva . . . ? . . . ngalapho. Philiswa eGameni leNkhosi Jesu Khristu.

Ungakholwa. Bani nekukholwa nje.

²⁸⁰ Sitihambi kulomunye nalomunye. Ungibonile emihlanganweni. Kodvwa, ngicondze kutsi, kukwati, kusho nje kutsi ngiyakwati, angikwati.

²⁸¹ Manje, kancanyana nje. Sengendlule kakhulu esikhatsini sami lapho, kodvwa impela uyati kutsi Ulapha. Lona wesifazane munye eme lapha, futsi, khona-ke sito—sitobakhulekela. Ngicabanga kutsi loko sekutsi akube kutsatfu kancane. Akunjalo na? O, yebo. Konkhe loko kungephandle etetsamelini, ke.

²⁸² Anginalwati. Ubukeka uphile saka futsi ucinile, kimi. Angikwati, kodvwa Nkulunkulu uyakwati. Kodvwa kukhona lokutsite enhlitiyweni yakho. Kuyintfo loyifisako. Futsi kukwalomunye umuntfu. Ngibona insizwa, cha, tinsizwa letimbili. Tingemadvodzana akho. Cha, lenye yato yindvodzana, nalelenye ngumkhwenyana. Futsi bobabili banenkhatsato yesisu. Futsi bobabili banetitfunti letimnyama etikwabo. Bona, bobabili, batoni. Lowo ngu ISHO KANJE INKHOSI. Uyakholwa manje?

Bangakhi labatokholwa naye? Asikhuleke.

²⁸³ Nkhosi Jesu, siyaKukholwa manje ngalesicelo lesi, sadzadzewetfu. Ngiyambusisa eGameni laKho. Kwangatsi angahamba futsi emukele loko lakucelile, kwentela inkhatimulo yaKho. Amen.

²⁸⁴ Nonkhe niyakholwa manje ngayo yonkhe inhlitiyo yenu?

²⁸⁵ Manje, wotani ngalapha. Niyakholwa kutsi Angangitjela kutsi yini lengalungi? Ngeke yini loko kwabamnandzi, leyonkhatsato lendzala yesifuba semoya kutsi sitovuleka, futsi ungaya ekhaya, welulame? Yebo-ke, uma ukukholwa, kutokwenta.

²⁸⁶ Uyasikhuluma siNgisi? Sifo senhlitiyo, inkhatsato yesisu. Kholwa yiNkhosi Jesu futsi kutosuka kuwe. Amen. Kulungile.

²⁸⁷ Wota, dzadze. Uyasikhuluma siNgisi? Kulukhuni kutfola kuphefumula kwakho; sifuba semoya. Hamba, ukholwe. Phefumula! Kukholwe, e—eGameni leNkhosi Jesu.

²⁸⁸ Wota. Uyasikhuluma siNgisi? Uyangikholwa kutsi ngingumprefethi waNkulunkulu? Inkhatsato yakho isecolo lakho. Kholwa! Ngeke kusaphindze kukuhluphe.

²⁸⁹ Uyangikholwa kutsi ngiyinceku yaKhe? Uhlushwa sifo sekucacamba kwematsambo. Ngiyakubona utama kuphuma

embhedzeni. Kulukhuni kutsi ukwente, ekuseni. Hamba, ukholwe, futsi ungeke usaphindze ukwente loko, futsi utosindza.

²⁹⁰ Niyakholwa na? [Libandla litsi, “Amen.”—Umhl.] Yonkhe inhlitiyo yenu na? [“Amen.”] Vusa Jesu, ngekhatsi kuwe manje. Khristu ulapha. Usenkhundleni. Nonkhe niyakukholwa loko? [“Amen.”]

²⁹¹ Manje bekani tandla tenu etikwalomunye nalomunye. Bekani nje tandla tenu etikwalomunye nalomunye manje.

²⁹² Ngitocaphuna umBhalo. Jesu watsi, “Hambani niye emhlabeni wonkhe,” eTempe, e-Arizona, “nishumayele liVangeli. Letibonakaliso leti tiyobalandzela labakholwako. EGameni laMi batawukhipha emadimoni; bakhulume ngetilimi letinsha; baphatse tinyoka noma banatse lokubulalako, ngeke kubalimate. Uma babeka tandla tabo etikwalabagulako, bayosindza.”

²⁹³ Manje, naJesu akhona manje, uma nikholwa kutsi Ukhona, tsanini, “Amen.” [Libandla litsi, “Amen.”—Umhl.] LoMoya lofanako lowawu kuJesu Khristu ulapha kulelibandla kusihlwa.

²⁹⁴ Manje, khulekela lomuntfu lobeke tandla takho etikwakhe. Khuleka nje uphumisele, utsi, “Nkhosi Nkulunkulu, philisa lomuntfu lona.” Bona bakhulekela wena.

²⁹⁵ Nkhosi Jesu, ngiyakhuleka, Nkulunkulu, kutsi Utotfumela emandla aKho neMoya etikwaletetsameli leti, etikwa lowesifazane lomncane lapha, Nkhosi, ngalesifihlabuso ebusweni bakhe. Ngikhulekela kutsi Utobaphilisa, Nkhosi. Kwangatsi develi, tiphepho, tingathula, nemandla aNkulunkulu atsatsa letetsameli leti futsi akhiphe onkhe emandla lamabi nekungakholwa.



KUVUSA JESU SSW63-0117
(Awakening Jesus)

LoMlayeto ngeMnaketfu William Marrion Branham, kwekulala wetfulwa ngesiNgisi ngaLesine kusihlw, ngenyanga yaBhimbidvwane 17, 1963, eFull Gospel Church eTempe, eArizona, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org